

LEHILAHY IRAY NANDOSITRA

NIALA TEO AMIN'NY

FANATREHAN'NY TOMPO

 Ndao isika hanondrika ny lohantsika. Andriamanitra malala, faly izahay izao tolakandro izao noho ity tombontsoa izay hanakambananay ny tenanay miaraka indray mandeha ity. Ary Ianao irery, Tompo, no mahafantatra hoe ahoana no nanirian'ny fonay mafy an'ity ora ity izay ahafahanay mijoro eo anoloan'ny Vahoakanao eto indray, ka hitondra an'ity Hafatra ity izay tsapanay fa tena iankinan'ny aina hoe hamehana tokoa izany ao amin'ity ora ity. Ianao no nitsinjara an'ireto andro vitsy ireto ankehitriny, ka mivavaka izahay, Andriamanitra malala, mba ho eo aminay ny Tànan'ny famindramponao, hitari-dàlana sy hitarika anay. Ary omeo anay ireo zavatra izay ilainay, Tompo, fa maniry mafy ny hahafantatra Anao tsaratsara kokoa ny fonay.

² Mahita an'ilay saham-pijinjana lehibe izahay, fotosy, masaka, dia fantatray fa vonona ho an'ilay fotoana fivelezam-bary lehibe ny voa ankehitriny. Andriamanitra malala, mivavaka izahay mba Hanokafanao an'ireo akofa manodidina anay, avelao izahay hipetraka eo amin'ny Fanatrehan'ny Zanaka ankehitriny, amin'ireo andro vitsy manaraka, ka ho masaka ho an'ny Fanjakana'Andriamanitra.

³ Tahio ny hira rehetra izay ho hiraina. Tahio ny vavaka rehetra, ka valio ny tsirairay avy izay hivavahana, Tompo. Vonjeo ny very rehetra. Antsoy hiverina ao amin'ny tranon'ilay Andriamanitra velona, ka hiombona, ireo izay lasa nirenireny.

⁴ Mivavaka izahay, Andriamanitra, mba Hanasitrananao ny olona marary rehetra izay tonga eo ambanin'ny tafon-tranonay. Ekeo izany, Tompo. Enga anie tsy hisy olona malemy eo anivonay amin'ny fiafaran'ireto favoriana ireto.

⁵ Ary, Andriamanitra malala, avy eo dia ho an'ny tenanay, izahay izay milaza ao amin'izao ora izao ho ny Fiagonana, ilay Nantsoina hivoaka, ireo manerana an'izao tontolo izao izay nivoaka avy tao Babylona ka tonga mpandray anjara amin'ity fiombonana mahafinaritra ity amin'izao andro farany izao, mivavaka izahay, Andriamanitra, mba Hitahianao ny fonay tahaka an'izany. Noana marina tokoa izahay, Tompo, ary foana ny amin'ireo zavatra rehetra avy amin'izao tontolo izao, arak'izay fantatray. Tompo, manaisotra ny mitambesatra

rehetra izay mora mahazo anay izahay, ary avelao izahay ankehitriny hihazakazaka an'izao fihazakazahana izao amin'ny faharetana, izay napetraka eo anoloanay. Ekeo izany, Ray. Ary enga anie izahay ho Kristiana feno kokoa, hahery kokoa, tsaratsara kokoa, amin'ny fiafarany fotoana ity, nohon'ny nahe-izy anay rehefa nuditra izahay. Andriamanitra anie handray ny voninahitra rehetra, fa mangataka an'izany amin'ny Anaran'i Jesosy izahay. Amena.

⁶ Heveriko fa tombontsoa lehibe iray ity, izao hariva izao, izay niandrasako nandrity ny fotoana vitsivitsy. Niteny tamin'ny vadiko aho indray andro, hoy aho hoe, "Lasa tena mikorontantsaina aho, eo am-piandrasana ny ho tonga any amin'ny tabernakla." Izaho fotsiny... Manana sakaiza hafa aho, mazava ho azy, manana aho, manerana an'izao tontolo izao, saingy misy zavatra iray hafa mikasika an'ity tabernakla eto ity.

Nalaina avy tamin'ity vovoka manodidina eto ity aho, rehefa nanome ahy fiainana teto amin'ity tany ity Andriamanitra; ary ataoko, fa raha maharitra Izy, dia halevina eto any ho any aho. Rehefa tonga Izy, dia hahita ahy eto any ho any Izy.

⁷ Fa, toy ny hoe, misy zavatra iray, rehefa tonga eo amin'ny fieritreretana mikasika an'i Jeffersonville aho. Indray andro dia tena nahatsiaro ho irery aho; nilaza tamin'ny vadiko aho, hoy aho hoe, "Manimanina aho, nefy tsy fantatro izay mahamanimanina ahy, afa-tsy ireo olona izay mivavaka ho ahy." Hoy aho hoe, "Eny, izaho dia... Ny zavatra tokana izay fantattro hatao dia ny miverina ka hanana andro favoriana vitsivitsy, hijery raha tsy afaka hahita zavatra avy amin'ny Tompo isika, angamba Tiany hahafantatra zavatra iray isika."

Ary ilay lohahevitra lehibe, iankinan'ny aina izay ananantsika eo anoloantsika ankehitriny dia *Fanambadiana Sy Fisaraham-panambadiana*. Ary raha misy fanontaniana iray, dia tsy maintsy misy valiny iray. Tsy mety hisy fanontaniana iray raha tsy misy valiny iray. Tsy mampaninona na inona na inona ilay izy, tsy maintsy misy valiny iray. Raha sitraky ny Tompo, dia te-hanandrana hiresaka eo amin'izany aho, ny Alahady maraina.

⁸ Ary amin'izay fotoana izay, rahampitso hariva, heveriko fa isika dia ho eto ao amin'ilay... Inona moa no iantsoana an'io sekoly io? [Hoy Rahalahy Neville hoe, "Parkview."—Mpand.] Toera-malalaka Parkview. Ahoana, tompoko? ["Parkview Junior High."] Parkview Junior High. Firy no mahafantatra hoe aiza no misy an'izany? Eny, ataoko fa hametraka famantarana izy ireo, sa tsy izany, Rahalahy Neville? ["Eny."] Aoka... Eto ambony eto mihitsy izany saiky—saiky eo amin'ny telo ampahefatrty ny maily, ary hisy famantarana iray. Mihodina ianareo, miala amin'ilay lalana. Izany dia tranobe iray tsara, miakatra avo. Manana toerana izay azonareo ametrahana ny sandrinareo izany, ka

mandray naoty an'izay tianareo hosoratana, sy—sy—sy ny sisa. Ary azoko antoka fa ho tianareo mihoatra kely kokoa noho izay haha-izy anareo izany, somary mifanery ato amin'ny favoriana ato amin'ny—ato amin'ny tabernakla. Hisy efitra betsaka any, toerana betsaka hametrahana fiara.

⁹ Ankehitriny, heveriko fa manana fitsipika kely izy ireo izay tsy maintsy nampanantenantsika fa hankatoavina, izany dia, ny tsy hahatongavana eo amin'ilay tany alohan'ny amin'ny enina sy sasany eo. [Hoy Rahalahy Neville hoe, “Tsy alohan'ny amin'ny dimy sy sasany; tsy tonga any alohan'ny amin'ny dimy sy sasany.”—Mpand.] Ary amin'ny firy...[“Ireo varavarana dia misokatra amin'ny enina sy sasany.”] Mino aho fa ho hevitra tsara iray ho antsika ny tonga any amin'ny enina sy sasany.

Ankehitriny, manana toera-malalaka iray hafa izy ireo eto an-tanàna izay mametraka enina arivo. Raha tena tsara isika amin'ity anankiray ity, dia mety hamela antsika hahazo an'ilay iray hafa izy ireo indray andro any ho an'ny favoriana goavana iray, angamba indray andro any amin'ity fahavaratra ity rehefa miverina avy any am-pitan-dranomasina aho.

¹⁰ Koa noho izany heveriko fa isika dia afaka hametraka hatrany amin'ny...Firy no azontsika apetraka any? [Hoy Rahalahy Neville hoe, “Afaka mametraka eo amin'ny efatra arivo isika.”—Mpand.] Efatra arivo. Noho izany, hitanareo, banana efitra betsaka isika. Tsy hisy fahamaikana. Ary noho izany tongava amin'ny enina sy sasany. Fa afaka hiditra amin'ny fotoana marina ny olona rehetra amin'izay fotoana izay, ny olona rehetra miaraka, ary azoko antoka fa ianareo dia—banana toerana tsara iray. Ary miakatra avo tahaka an'izao izany, ary—ary toerana iray eto izay ahafahanareo manoratra sy mandray naoty, sy ny sisa. Ka hanomboka izany, raha sitraky ny Tompo...

¹¹ Mihevitra aho ankehitriny, izao hariva izao, satria favoriam-bavaka Alarobia hariva izao, isika dia...Saiky tena feno mihitsy ny toerana, noho izany heveriko fa tsaratsara kokoa amintsika angamba ny hanomboka rahampitso hariva. Nofaintsika izany nohon'ny fanantenana fotsiny hoe angamba, raha tena tsy ho antonona antsika eto, dia afaka handeha any isika. Fa mino aho hoe ilay izy dia...ho tsaraindrindra ny handeha any, tsy mihevitra tahaka an'izany ve ianao, Rahalahy Neville, handeha any rahampitso hariva? Ary firy no mihevitra fa ho hevitra tsara iray izany? Ary amin'izay fotoana izay ianareo dia afaka banana betsaka an'ireo—an'ireo efitra. Izany dia—izany dia efanofaina; efa voaloan'ny rahalahy sasany ato amin'ny fiangonana. Dimampolo dolara isan-kariva fotsiny no vidiny ho antsika, izay tena, tena...Maniry ny banana an'izany na aiza na aiza aho, afaka mametraka maro tahaka an'izany amin'ny dimampolo dolara isan-kariva, tranobe tena vaovao, lampihazo tsara tarehy. Ary, fa isika dia...

¹² Mazava ho azy, hanao rakintra isika, heveriko. Ary tsy tantsika ny handoavan'ireo lehilahy ireo an'izany samirery; isika dia handoa . . . hamerina amin'izy ireo. Fa rehefa vitantsika ireo fandaniantsika sy ny sisa, eny, amin'izay fotoana izay, mazava ho azy, dia hajanontsika ny fanaovana rakintra. Isika tsy . . .

¹³ Raha misy vahiny miaraka amintsika, dia nanao an'izany ho foto-kevitra iray izahay, tsy hiangavy mihitsy, hangataka, hanery ny olona ho amin'ny vola. Mampandalo ny lovia fanatazana izahay, izay fotsiny . . . Fihetsika ara-pivavahana iray izany. Efa nanandrana an'izany aho, im betsaka, tsy nampandalo an'ilay lovia fanatazana akory, mihitsy, saingy tsy nety ilay izy. Hitanareo? Satria, ny manome dia ampaahany iray amin'ny fivavahantsika. Ampahany iray amin'ny andraikitsika izany. Tsy mampaninona na folo cents izany, na inona na inona ilay izy, na iraimbilanja, izany rehetra izany dia . . .

¹⁴ Noho izany tsarovinareo, nahita mpitondratena iray nandalo Jesosy, indray andro, teo amin'izay nandatsahan'ireo olona manan-karena ny maro tamin'ireo harenany tao anatin'ilay fitehirizam-bola. Ary nandalo ity mpitondratena ity, angamba nisy ankizy vitsivitsy kely, noana teo akaikiny, ary manome ny zavatra rehetra izay nananany, iraimbilanja telo. Dia hoy Jesosy hoe, "Iza no manome be indrindra?"

¹⁵ Ankehitriny, raha izaho no nitsangana teo, dia ho nilaza aho hoe, "Aza manao an'izany, ranabavy. Izahay—izahay, jereo, manana vola betsaka izahay." Fa tsy nisakana azy mihitsy Izy. Hitanareo? Izy—Izy dia nahafantatra fa nanana zavatra lehibe kokoa ho azy Izy teo amin'ilay lalana. Noho izany, hitanareo, na ahoana na ahoana, dia nanana trano iray izy tany amin'ny Voninahitra, izay nandehanany. Ary tsy nisakana azy mihitsy Izy. Navelany handatsaka an'ireo iraimbilanja telony izy, satria tiany fotsiny ny nanao an'izany. Ary tsy maintsy tiany ny nanao an'ilay izy; niaraka tamin'ireo ankizy, sy mpitondra tena iray, nefy iraimbilanja telo fotsiny ihany no mba hiainana. Izy, tsy maintsy tiany ny hanao an'izany. Noho izany, hitanareo, rehefa te-hanome ny olona, dia tokony homenareo azy ireo ny fanararaotra hanaovana an'izany.

¹⁶ Fa mieritreritra an'ireo mitsangana ireo aho, ary ireo olona izay manao hoe, "Iza no hanome dimampolo dolara? Iza no hanome roapolo dolara?" Heveriko fa izany no mampiety ny—ny fahaizanareo. Izaho—izaho dia mihevitra fa mahalala ny olona hoe mila vola ny—ny fanaovana ny—ny fivoriana iray. Ary tsy namela azy ireo hanao an'izany mihitsy aho, ireo mpikarakara. Hoy aho hoe, "Na oviana na oviana no tsy maintsy hanaovanareo an'izany, dia izany no fotoana hiverenako any amin'ny tabernakla. Noho izany, tsy tokony hanao an'izany isika." Fa izaho—izaho dia mihevitra tokoa fa

tokony hampandalo an'ilay lovia fanatazana isika, mba—mba hanaovana an'ilay izy ho fotoam-pivavahana feno iray.

¹⁷ Ary noho izany hampandalo lovia fanatazana kely iray angamba izy ireo isan-kariva, hilaza zavatra iray toy ny hoe, “Eny, handray ny rakitra isika ankehitriny.” Ary hampandalo an'ilay lovia fanatazana izy ireo, ary izay ihany—izay ihany no ho farany.

¹⁸ Ary isan-kariva, raha sitraky ny Tompo, heveriko fa nametraka Hafatra tena voafaritra iray ho an'ny Fiagonana tato am-poko ny Tompo. Efa tao anatin'ny vavaka aho nandrity ny andro maro. Dia tsy hiditra ao amin'izany aho, satria zavamahagaga lehibe iray no nitranga indray andro izay tena lehibe tokoa. Fa mitebiteby aho ny hiteny aminareo mikasika an'izany. Ary ankehitriny, ilay lohahevitra lehibe, ataoko hoe, ny ankamaroan'izy ireo, hoy i Billy, no efa niantso azy, dia eo amin'ny *Fanambadiana Sy Fisaraham-panambadiana*. Fa, izany dia lehibe iray—lohahevitra lehibe iray, ary izaho—izaho dia tsy nahafantatra hoe ahoana no hanatonana an'izany. Ary nandeha nivavaka mikasika an'izany aho, ka nihaona tamiko ny Tompo. Dia fantatro fa izaho, tamin'ny... Tsy manana an'izany aho, fa Andriamanitra no nanome ahy an'izany; manana azy aho ankehitriny. Nanome ahy an'ilay valiny marina Andriamanitra, hitanareeo, hitanareeo, ary izaho—izaho dia mahafantatra fa marina izany.

¹⁹ Ary noho izany tsy mbola fantattro marina mihitsy, angamba, mety hangataka an'ireo anabavintsika fotosiny aho tsy ho tonga amin'ilay favoriana amin'ny Alahady, ny tenan'izy ireo, saingy izaho—izaho dia tsy mahafantatra. Hiankina amin'ny hoe raha te-ho tonga miaraka amin'ny vadiny ireo vehivavy manambady. Misy—misy zavatra tena iankinan'ny aina tokoa tsy maintsy tenenina, ny fahamarinana mikasika an'izany, sy hoe ahoana... Ary noho izany tantsika ny hametraka azy tanteraka, amin'ny HOY NY TOMPO HOE, avy eo azonareo ilay izy amin'izay fotoana izay. Ho fantatrareo mihitsy ny Fahamarinana amin'izay fotoana izay. Ary matoky Azy hanao an'izany aho.

²⁰ Ary, ankehitriny, tao amin'ny trano fisakafoana teto aho indray andro, nihinana, ary—ary Jerry sy izy rehetra nitady anareo rehetra. Nilaza izy ireo, nanao hoe, “Eny, izahay...” Ny sasany, ny iray tamin'ireo zazalahy dia tany, nilaza, hoy io zazalahy io hoe, “Ho tafavoaka tsara mihitsy aho amin'ity herinandro ity,” hoy izy, “izy ireo dia... Na, amin'ireo herinandro roa manaraka.” Hoy izy, “Izy ireo dia manana ny—ny favoriana iray eto, an'ny baolina baskety, na zavatra anankiray hafa.” Hoy izy, avy eo hoy izy, “Branham izay any, dia hanana favoriana iray.” Hoy izy hoe, “Hamahana olona betsaka mihitsy aho.” Tao amin'ny Ranch House, iray amin'ireo toerana any. Ary izy ireo dia... tena nahafinaritra tokoa.

²¹ Ary mankasitraka anareo rehetra aho, fa tena nandoka sy nilaza zavatra mahafinaritra mikasika anareo tokoa izy ireo.

²² Nihaona tamiko ilay mpikarakara ny Ranch House tany indray maraina. Tonga teo amin'ny roa sy sasany teo aho, avy tany Arizona. Dia hoy izy hoe, "Eny, Rahalahy Branham," hoy izy, "mandre aho fa hanana favoriana hafa iray ianao." Hoy izy, "Nampiditra mpanampy amboniny aho," hoy izy. Ary hoy izy, "Noho izany te-hilaza zavatra anankiray aho, hoe ireo olona izay tonga avy any ireo," hoy izy, "dia tena olona mahafinaritra tokoa izy ireo." Ankehitriny, manao ahy hahatsapa tena tsara tokoa izany mikasika anareo, hitanareo.

Satria, na ahoana na ahoana, somary mahatsapa aho fa zanak'osiko ianareo, ary izaho—izaho...na, zanako, raha ny marina. Ary noho izany aho... Ny zanak'osy dia manondro osy iray, fa tsy osy iray ianareo. Zanak'ondriko ianareo. Ahoana izany? Ianareo no zanak'ondrin'ny Tompo izay Navelany ho fahanako. Ary matoky aho fa izany dia ho—izany dia ho... fa hamela ahy hanao an'izany Izy. Manohy eo amin'ilay lalana isika.

²³ Ary mikasika an'ity *Fanambadiana Sy Fisaraham-panambadiana* ity, efa naniry ny hiresaka teo amin'izany aho hatramin'ny fotoan'ireo Tombokase Fito ireo. Fantatrareo, ireo zava-...Ireo zava-miafina rehetra dia natao ho fantatra ao amin'izy ireo, ny fanokafana an'ireo Tombokase Fito, ireo zava-miafina rehetra an'ny Baiboly. Ary mieritreritra aho ankehitriny, somary miha-antitra, izaho—izaho dia mieritreritra fa izaho... Nieritreritra aho fa tsaratsara kokoa ho ahy ny mametraka an'izany ao amin'ny horonam-peo fara-fahakeliny, raha toa ka hisy zavatra hitranga amiko, dia mety hanontany ny Fiagonana amin'izay fotoana izay hoe, "Manontany hoe inona no nananany tao an-tsainy? Inona no ho nolazainy?" Ary toa tena sarotra ireo lohahevitra rehetra ireo; mieritreritra aho, ny... amin'ny alàlan'ny fanampian'ny Tompo, no hiezahako hitondrana azy ireo aminareo. Ary amin'izay fotoana izay—amin'izay fotoana izay raha misy zavatra iray mitranga, ary raha sendra lasa alohan'ny Ahatongavany aho, ianareo—ianareo dia hanana azy ao amin'ny horonam-peo amin'izay fotoana izay.

²⁴ Heveriko fa manana boky vaovao vitsivitsy mivoaka isika. Mahita an-dRanabavy Vayle aho; tsy fantattro na eto ny dokotera na tsia. Eto ve izy, Ranabavy Vayle? Mety ato amin'ny favoriana angamba izy. Tsy mahita azy aho. Fa, oh, eny, iry aoriana iry. Ary nanoratra boky iray i Rahalahy Vayle, ka izany dia ny... Nieritreritra aho, mino aho fa nilaza izy ireo androany hoe, roa. Rahalahy Vayle, marina ve izany, manana roa ve ianao eto ankehitriny? Boky roa. Ankehitriny, tsy fantattro, izaho... Ny fomba ahazoako azy, dia hoe manana dika iray ny olona tsirairay. Noho izany aho... Raha ianareo... Izay no fomba ahazoako azy. Mety ho diso aho ao amin'izay.

²⁵ Ary avy eo *Ireo Taona Fiton'Ny Fianganana* dia efa vita (Marina ve izany, Rahalahy Vayle?) ka eo amin'ny fanaovana printy ankehitriny. Ary fantatiro hoe te-hahazo azy ireo ianareeo rehetra, satria izy ireo no mamaly an'ireo fanontaniana betsaka izay tao am-ponareo. Fa avy eo aorian'izany, eny, dia hiezaka isika ny hanao an'ireo *Tombokase Fito* nisokatra, fantatrareo, ao anatin'ny boky, mba ahafahan'ny tsirairay avy mamaky amin'ny endrika izay—izay tian'izy ireo, afaka mahazo sy mandinika an'izany. Mihevitra aho fa rehefa voasoratra ilay izy, raha izany...

²⁶ Voalohany, voaraintsika avy hatrany amin'ny horonam-peo izany, ny fomba izay nanoratana na nitenenana azy. Fantatrareo, afaka mitory toriteny iray ianareeo, zavatra iray izany, ary avy eo ny manoratra boky iray dia hafa. Hitanareo, toy ny hoe sendra nahakasika lohahevitra iray aho, toy ny hoe nilaza taminareo aho, dia ho azonareo, hilaza aho hoe, "Ankehitriny, ny taranaky ny menarana," hitanareo.

Eny, ankehitriny, ny mpamaky an'io boky io, raha noraisinareo izany, dia hanontany hoe, "Inona ilay taranaky ny menarana?" Hitanareo? Ary tsy hahafantatra izy ireo. Raha sendra ka tonga eo amin'ny toerana iray tahaka an'i Princeton izany na any ho any, ary izy ireo—izy ireo dia hihevitra fa olona tsy mahay isika.

Noho izany naka an-dRahalahy Vayle aho mba hanampy ahy kely amin'io ary hihazona an'ilay andalam-pisainana iray ihany, ka hanome an'izany ny gramera. Ary azoko antoka fa ny gramerako izy ireo dia... Ho zava-miafina amin'izy ireo izany, tena azo antoka. Noho izany ny... Tena mahay an'izany Rahalahy Vayle, noho izany izy amin'ny maha...

²⁷ Ary avy eo, ao amin'izany, dia heveriko fa tsy maintsy nahazo tsindrimandry kely iray amboniny ny rahalahintsika sarobidy, na ahoana na ahoana, ary nilaza izy fa hanoratra boky vitsivitsy azy manokana, avy amin'izy ireo, tahaka an'izany. Ary noho izany nanoratra anankiray izy antsoina hoe, mino aho, *Ny Mpaminanin'ny Taonjato Faha-Roapolo*, ary anankiray hafa, *Fianganan'i Laodikia*, mino aho, na zavatra tahaka an'izany.

²⁸ Ary i Billy no niteny an'izany tamiko, izao hariva izao, hoe mino aho fa an'arivony maro amin'izy ireo no tonga androany; nisy olona nitondra azy ireo avy any Texas. Koa noho izany, izy ireo, ho eto izy ireo. Ary hilaza an'izany, heveriko, na inona izy ireo na inona. Heveriko fa izy ireo no nanohana. Tsy azoko antoka. Ary raha izany izy ireo, dia homena anareo, hitanareo, ihany koa, maimaim-poana. Ary manantena isika fa hahafaly anareo izany. Koa raha faly ianareeo, dia raiso ny tangan-dRahalahy Vayle iry aorianana iry ary teneno aminy hoe toy ny ahoana no ankasitrahahanareo betsaka an'izany. Tsy mbola namaky azy mihitsy aho, ny tenako. Raha namaky azy ireo

aho, dia mety nanova ny saiko mikasika an'ilay izy, noho izany hiezaka hamaky azy ireo aho amin'ity herinandro ity raha mbola manana anjara iray, raha vitako.

²⁹ Ankehitriny satria Alarobia hariva, hanomboka amin'ny fomba ofisialy ny favorantsika rahampitso hariva. Fa heveriko, amin'ny maha-eto anivonareo, izaho—izaho—izaho dia tsy afaka nijanona tany an-trano mihitsy nefá—nefa mahafantatra fa tetô ianareo rehetra. Izaho... Toy ny hoe fotsiny, fantatrareo, tahaka ny sasany amin'ireo havanareo izay tonga, fantatrareo, ka mihazakazaka hatrany amin'ny faran'ilay lâlankely ianareo hitsena azy ireo, fantatrareo. Ary—ary izaho—izaho dia nieritreritra fa hihazakazaka fotsiny aho ka—ka hirary anareo ho tonga soa eto Jeffersonville. Ary noho izany tamin'ity herinandro farany ity aho dia saiky...

Tsia, mamelà ahy ianareo, efa teo amin'ny telo herinandro lasa teo izay, tonga tany an-trano aho. Nivoaka aho niezaka ny... Tao amin'ny favoriana sasantsasany aho nanerana an'i Arizona tany, ary niverina mba hiezaka haka aina. Koa nandeha teo amin'ny dia fihazana iray aho, ary izaho—izaho no nahazo ny tsara indrindra teo amin'ny fanjakan'i Arizona ho an'ny liona. Nanenjika azy nanerana ny roapolo maily nisy hazo maniry aho mba hahazo azy.

³⁰ Fa avy eo ny mieritreritra, na izany aza, fa tsy nieritreritra mihitsy aho fony aho mbola zazalahy kely... Mba hanehoana fotsiny hoe toy ny ahoana no nitrangan'ireo zavatra ireo, toerana kely iray izay nomen'ny Tompo anay tany, ho an'ireo volana izay naha-tany anay, sy ireo sekoly ho an'ny ankizy.

Zazalahy kely iray aho. Ataoko fa eto i Jimmy Poole izao hariva izao, angamba eto ny dadany, Jim be. Niaraka nandeha tany an-tsekoly izahay, ary tsaroako aho nipetraka tany, amin'ny nahe-zazalahy kely nitafy vorodamba ratsy iray, sy kiraro, nanao kiraro tenisy, nivoaka avy tao amin'izy ireo ny rantsantongotra; nindrana singan-taratasy tamin'ny anankiray, ary pensily tamin'ny iray hafa.

³¹ Nanoratra tononkalo aho taloha. Ary Rtoa. Wood, eto, no nampanao tsianjery ahy an'izany izao tolakandro izao teo amin'ny horonam-peo, mikasika ny Ford trannainiko, fantatrareo, ary izany dia—izany dia anankiray tsara. Ankehitriny, hoy izy hoe, "Eny, tokony handefa an'izany any amin'Atoa. Ford ianao."

Hoy aho hoe, "Misy fahamarinana betsaka, mino aho," mikasika an'ilay mikorintsana eo aloha, sy fidridroka ao amin'ny vitesy, ary piozila Sinoa iray ho an'ny familiana. Fa izaho... Izany dia—izany dia ny... Saingy nilaza foana aho, hoe ny zavatra tokana izay tsy maintsy hataoko dia ny manisa an'ireo kodiarana efatra, ary manozongozona azy betsaka mba hamelona azy ka hiditra ao anatiny avy eo. Hoy aho hoe, "Tsara rehefa namelona azy tamin'izany teo amin'ny havoana iray aho,

nisintona tena moramora fotsiny, nanao hoe, ‘Mihevitra aho fa vitako, mihevitra aho fa vitako, mihevitra aho fa vitako.’ Avy eo nanomboka, teo amin’ilay ilany hafa, nanao hoe, ‘Nihevitra aho fa vitako, nihevitra aho fa vitako.’”

Izany no fomba hisintonantsika an’io havoana io, tahaka ny *Pilgrim’s Progress*. Noho izany isika . . .

³² Nanana tononkalo kely iray izay nosoratako aho, zavatra iray tahaka an’izany. Ary nilaza . . . Ankehitriny, eritrereto fotsiny, teo amin’ny roa ambin’ny folo taona teo fotsiny aho. Fa nitsangana tany, indray andro, njery an’io lohasaha mideza io; ka nieritreritra hoe, “Io liona io dia hipetraka avy hatrany ao amin’io efitrano kely fiasana eto io, mijery eo amin’ny varavarankely,” ao amin’ny fitaratry ny varavarankely. Nieritreritra ny tononkalo kely iray aho. Niverina aho ary naka azy, zavatra tahaka an’izao. Eritrereto fotsiny hoe ahoana Andriamanitra . . .

³³ Mino ve ianareo fa ao amin’ny tsindrimandry rehetra Andriamanitra? [Hoy ny fiangonana hoe, “Amena.”—Mpand.] Tsy maintsy manoratra hira iray Andriamanitra. Mino ve ianareo fa ao amin’ny hira Andriamanitra? [“Amena.”]

Jesosy no niteny an’izany. Nanondro an’i Davida Izy hoe, “Tsy fantatrareo ve izay nolazain’i Davida ao amin’ny Salamo? Fantatrareo, tsy nanana an’izany . . .”

³⁴ Jereo ilay tena fanohomboana. Davida no nihira an’izany, ao amin’ny Salamo faha-22 hoe, “Andriamanitro, Andriamanitro, nahoana no nahafoy Ahy Ianao? Ny Taolako rehetra, mibanjina Ahy izy ireo. Nolefonin’izy ireo ny Tànako sy ny Tongotro.” Fantatrareo, ary hira iray izany. Ny Salamo dia—dia hira iray.

³⁵ Ary ao amin’ity tononkalo ity, dia diniho fotsiny hoe ahoana no fisehony. Nipetraka tany, ankizy kely mahantra iray niaraka tamin’ny ravi-taratasy nindramina, hoy aho hoe:

Manimanina aho, oh, tena manimanina an’io
atsimo andrefana lavitra io,
Izay misy an’ireo aloka milatsaka ao amin’ilay
lalina indrindra eo amin’ny tendron’ny
tendrombohitra.
Afaka mahita alikadia iray mamitsaka
manodidina an’ilay zavo-tany volom-parasy
aho;
Afaka mandre lopa iray mihorakoraka eo
amin’izay iraofan’ny ireo omby lava tandroka
ahitra.
Ary afaka mandre liona iray mitaraindraina any
ambonin’ny lohasaha mideza iray any ho any,
Ao anatin’io Tendrombohitra Catalina lavitra
amoron’i Arizona io.

³⁶ Efapolo taona taty aoriana, dia mipetraka eo amin'io lohasaha mideza io mihitsy aho, mijery ahy manatrika io liona io.

O Andriamanitra, misy Tany iray any ankoatr'ilay renirano any ho any, ry sakaiza. Izany fotsiny dia . . . Izany dia tsy maintsy misy. Hitanareo? Misy—misy betsaka no miresaka an'izany. Tsy angano fotsiny ireo zavatra rehetra ireo; izy ireo . . . Tena misy izy ireo. Tena zava-misy izy ireo. Tena faly aho ny tonga eto izao hariva izao, mba hiaraka amin'ireto olona ireto izay antenaiko fa hiara-hiaina Any mandrakizay, izay tsy hisy aretina intsony, na fahafatesana, na fisarahana. Ary ho tsinontsinona amintsika ny fandehanana amin'izay fotoana izay.

³⁷ Ankehitriny, heveriko fa tsy misy fivoriana feno raha tsy misy ny famakiana ny Teny ka manana kely . . .

Rahalahy Neville, nandeha teto fotsiny aho. Nilaza tamiko i Billy fa nila ahy hiresaka ianao. Marina ve izany, Rahalahy Neville? [Hoy Rahalahy Neville hoe, "Amena. Eny. Azo antoka."—Mpand.] Mety naka kely fahalalahana be loatra aho angamba, saingy izaho—izaho dia nahatsapa tena tsara mikasika an'izany. ["Eny, amena! Azo antoka fa tsara!"]

Noho izany, ankehitriny, ianareo izay manana hira sy ny sisa, dia jereo i Rahalahy Neville rehefa hihira ianareo, ary avy eo hanao an'izany fotsiny, any. Dia hanana eo amin'ny antsasakadiny mialoha eo mihitsy isika, ary aoka isika hiditra avy hatrany ao amin'ireto Hafatra tena lalina ireto ka hahita izay mety ho hitantsika hataon'ny Tompo. Koa matoky fotsiny aho . . .

³⁸ Izaho—izaho dia mino fa manana ny Fahamarinana isika. Afa-po amin'izany aho. Mino aho fa ilay vary dia, marina tokoa, miala aminy ny akofa. Fantatrareo. Ary, hitanareo, mety hanome fampidirana mialoha kely eo amin'izany aho, rahampitso hariva, hitanareo, hoe ahoana no nialan'ilay akofa tamin'ny vary. Fa tsy maintsy mipetraka eo amin'ny Fanatrehan'ny Zanaka ny vary, mba ho masaka. Ary izany no maha-eto antsika, ry sakaiza, mipetraka eo amin'ny Fanatrehan'ny Zanaka mandra-pahatongan'ny vondron'olona kelintsika eto, mandra-pahatonga azy ho tena masaka amin'i Kristy, ho lasa mofo eo amin'ny Latabany izany. Izany no tiako hatao.

³⁹ Ary ankehitriny alohan'ny hanatonantsika ny Teny, rehefa avy nanao tsianjery an'ireo tononkalo, sy ny sisa, dia ndao isika hivavaka indray. Avy eo dia haka lahateny iray isika.

⁴⁰ Jesosy malala, ampio izahay izao hariva izao ankehitriny, ao amin'ireto teny vitsivitsy ireto, raha miandry Anao izahay. Ary mivavaka izahay mba homba anay ny Fahasoavanao sy ny famindramponao, Tompo. Ary ataovy malemy ny fonay; esory ny akofa rehetra, ireo tsilo, ireo songosongo, aoka ny taramasoandron'Andriamanitra voatahy hilatsaka eo amin'ny Teny, Tompo. Ary enga anie izahay hanana fivoriana tena lehibe

iray hany ka tsy hisy olona iray tsy voavonjy eo anivonay, ho ao amin'ny Fanjakan'Andriamanitra ny zanaka rehetra. Ireo izay tsy manana ny batisan'ny Fanahy, enga anie izy ireo handray an'Izany, Ray. Enga anie ireo zava-miafina lehibe rehetra izay natao ho fantatray ao amin'ity taona ity, Tompo, ho voaseho aminay; ka hahita ny fihariharian'Andriamanitra izahay, mba hahafantaranay hoe ahoana no hitondranay ny tenanay sy hihetsehanay, manitsy ny tenanay ka mitondra an'ireo mambran'ny vatanay ao amin'ny fifehezan'ny Teny, mba hahatonga anay hahafantatra hoe ahoana no hiainana ao amin'ity andro ankehitriny ity eo amin'ny fanatonana ny Tompo Jesosy.

⁴¹ Raha mamaky Ny Teninao aho izao hariva izao, Tompo, izaho dia mety, nohon'ny fianarana iray ampahany, afaka hamaky ny sasany an'ireo teny, ary angamba ho diso fanonona ny hafa. Fa, Tompo Andriamanitra, Ianao irery no afaka misintona ny tsoa-kevitra avy ao. Ianao irery ihany no Anankiray afaka manao an'izany. Tsy misy—tsy misy fomba mba hahafahan'ny olombelona iray hanao an'izany; mipetraka eo an-Tànanao izany, Tompo. Noho izany omeo anay, isan-kariva, ireo zavatra izay nafenina ao anatin'Ny Teninao, mba hahafahanay ho Kristiana tsaratsara kokoa ka hiaina araka ny fotoana izay iainanay, ho ohatry ny Kristianisma. Mangataka amin'ny Anaran'ny Tompo Jesosy izahay. Amena.

⁴² Ankehitriny, maro aminareo, ao amin'ny Baibolinareo, tiako ianareo hamadika ao amin'ny Bokin'i Jona. Izany dia ny... Miresaka betsaka foana ny amin'i Jona isika hoe niverin-dàlana sy ny sis. Nanohana an'i Jona foana aho. Tsy mino aho fa mpiverin-dàlana i Jona. Izaho—izaho dia tsy mino an'izany. Mino aho fa izany fotsiny dia... Mampiasa an'ilay izy fotsiny isika matetika, manao hoe, "Jona iray izy." Fa raha isika... Efa niresaka teo amin'izany aho, tamin'ny fomba hafa anankiray, teo am-pitenenana hoe ahoana no nieritreretako, Jona, izay niseho.

Ankehitriny ny tenin'ny TOMPO dia tonga tamin'i Jona zanak'i Amitahy, nanao hoe,

Mitsangàna, ary mankanesa any Ninive, ilay tanàna lehibe, ka miantsoantsoa mafy hamelezana azy; fa tafakatra eto anatrehako ny faharatsiany.

Nefa Jona nitsangana handositra ho any Tarsisy hiala eo amin'ny fanatrehan'ny TOMPO, ary nidina tany Jopa; ary nahita sambo iray handeha ho any Tarsisy izy: koa naloany ny karamany, ary niditra tao izy, handeha hiaraka amin'izy ireo ho any Tarsisy hiala eo amin'ny fanatrehan'ny TOMPO.

⁴³ Tsy fiafarana mampalahelo ve izany? *Lehilahy Iray Nandositra Niala Teo Amin'Ny Fanatrehan'Ny Tompo*, ary izany no lohahevitro.

⁴⁴ Ankehitriny, te-hieritreritra an'izao isika aloha. Jona dia... Ny antony, ny antony lehibe, izay inoako fa nanaovany an'ity zavatra lehibe eto ity, dia satria Jiosy iray i Jona. Ary nangatahana handeha ho any amin'ny tanàna Jentilisa anankiray izy, mba hiantsoantso any hamelezana azy; nieritreritra fa tsy ho voaray izy. Satria, hihevitra ireo Jentilisa hoe, "Inona no idiran'io Jiosy io amintsika?" Fa, hitanareo, zavatra iray hafa, manome antsika zavatra lehibe iray ho jerena izany eto, hoe tsy Andriamaniry ny Jiosy ihany Andriamanitra, fa Andriamaniry ny Jentilisa koa Izzy. Andriamaniry ny olona rehetra Izzy.

⁴⁵ Nifidy ny Jiosy fotsiny Izzy. Ny Jiosy no nantsoina hoe vahoaka nofidian'Andriamanitra. Nofidiana ho an'ny antony manokana izy ireo. Fa izany antony izany dia, mba hanomezana azy ireo ny lalàna, ary tsy nahavita nitandrina an'izany izy ireo. Koa naneho fotsiny Izzy, tamin'ny alàlan'io vahoaka io, fa tsy nety voatandrina ilay lalàna, sy hoe Izzy no—no—no Andriamaniry ny fahamarinana. Ary mitaky fahamarinana ny lalàna, fa tsy nisy fahasoavana tao amin'ny lalàna, mba amoahana olona iray. Tsy misy sazy voaloan'ny lalàna, fa nila fahasoavana ny fandoavana an'izany sazy izany, na eo amin'izay nanamelohan'ny lalàna antsika.

⁴⁶ Ary voaantso eto i Jona, arak'izany, iray amin'ireo mpaminany madinika an'ny Baiboly, mba handeha hidina any amin'io tanàna io.

Ary mahita ohatra iray ny amintsika rehetra isika eto. Ny tsirairay avy amintsika, mandositra miala foana amin'ny zavatra iray isika. Mandositra miala amin'ny olana isika. Mandositra miala amin'ireo andraikitra isika. Isika, mirona hanao an'izany isika rehetra. Isika, isika dia, isika dia mirona bebe kokoa handositra noho ny hijoro ka hanatrika an'izany. Hitanareo, isika fotsiny... Isika—isika—isika dia mahita ny tenantsika mandositra.

Matetika dia mahita ny tenantsika mirona handositra hiala amin'ny asa isika. Tsy te-hanao isika, tsy te-hiasa. Mihevitra fotsiny ny olona sasany fa afaka mahavita ny fiainana tsy miasa izy ireo. Saingy, neveriko, i Solomona no nilaza fa afaka mahita an'ilay valiny isika eto, amin'ny fandinhana vitsika iray.

⁴⁷ Fantatrareo, ny vitsika kely iray, izy ireo no miteny amiko fa raha io (ny rehetra) vitsika io no tsy miasa sy manangona, dia tsy mihinana io vitsika io amin'io ririnina io, ihany koa. Noho izany, ny olona rehetra dia tsy maintsy—tsy maintsy miasa.

⁴⁸ Manana zavatra maro tsy maintsy hataontsika isika, andraikitra betsaka izay tsy maintsy hatrehantsika. Tsy maintsy manatrika andraikitra iray ny olona rehetra.

⁴⁹ Rehefa ianareo—rehefa tonga ianareo mba—mba hifidy ny vadinareo vavy, mba hanambady, na hifidy ny vadinareo

lahy, ianareo—ianareo dia tsy maintsy mandray andraikitra iray. Ary avy eo ianareo tsy maintsy mahatsiaro... Angamba manorina trano iray ianareo; trano tena tsara tarehy anankiray. Ary amin'izay fotoana izay, tsarovy, amin'ny maha-vehivavy manambady iray, dia tsy maintsy mieritreritra an'ilay andraikitra amin'ny fitaizana zanaka ianareo. Ary tsy maintsy mieritreritra ianareo fa ireo rindrina tsara tarehy, malama dia hanana dian-tàhana kely, maloto eo amin'izy ireo. Avy eo manana andraikitra hampianatra ny zanakareo ianareo. Manana andraikitra hampitafy sy hamahana ianareo.

⁵⁰ Andraikitra iray ny zavatra rehetra. Ary tena mora, rehefa manatrika antsika ireo andraikitra, ny miala amin'izy ireny. Ary hitantsika fa andraikitra iray ny fanambadiana, amin'ny fomba rehetra.

⁵¹ Na dia, matetika aza, hitantsika... Sarotra ho lazaina izao, saingy marina izany, fa ireo mpitoriteny, matetika, dia miala andraikitra amin'ny fijoroana amin'ny Tenin'Andriamanitra marina rehefa mifanehitra amin'Izany izy ireo. Hialan'izy ireo izany andraikitra izany. Rehefa entina mifanatrika amintsika olombelona ny Fahamarinan'ny Tenin'Andriamanitra, isika dia... mirona mihemotra hatrany amin'ilay fetra farany isika.

⁵² Vao avy niresaka tamin'ny zana-drahalahiko kely aho tany. Katolika izy, ary izy... Ary izaho no nanao batisa an'io zazalahy io, tamin'ny Anaran'i Jesosy Kristy, teto taona vitsy lasa izay, fa nandeha niaraka tamin'ny zazavavy kely iray izy ka niverina ho Katolika. Dia nihazona ny tànan'ny reniny aho raha teo am-pahafatesana izy tany. Nolazainy tamiko, ireo teny farany hoe, "Karakarao i Melvin." Ary vao avy nanonofy nofy izy. Izy dia tsy afaka fotsiny... Isaky, isan'andro, tamin'ny herinandro lasa, dia nanonofy nofy izy. Hoy izy, "Niditra tao amin'ny fiangonanao aho, Dadatoa Billy, ka nitsangana nitory teny teo ianao. Nihazakazaka aho, hanomboka hanao fiaikena iray. Nifoha aho." Hoy izy hoe, "Izaho—izaho dia diso."

Hoy aho hoe, "Ry Melvin, tsy mila fandikana ho an'izany ianao. Any ny toeranao izay misy anao." Marina izany. Hitanareeo?

⁵³ Fa ny manatrika andraikitra, matetika dia tena mila fanendahana amintsika, ny fanaovana an'izany. Amin'ny maha-ray iray, ny miatrika an'ilay andraikitra, ny manome fikaravassiana ny zanakareo. Ireo ankizy kely ireo, tsy te-hanao an'izany ianareo. Saingy amin'ny maha-ray na reny iray, dia tsy maintsy miatrika an'ilay andraikitry ny fitaizana an'io zanaka io ianareo, satria hoy ny Baiboly hoe, "Mitsitsia rotsan-kazo dia hamotika ny zanakao ianao." Ary mbola mijoro tsara izany eo imason'ireo mpitsabo saina izay misy eto amin'izao tontolo izao. Mbola mijanona ho Fahamarinan'Andriamanitra foana izany. Raha nisy ambonin'izany nampiharina, dia tsy ho nanana

ditran-jatovo betsaka sy ny karazany isika, sy ny fahalòvana izay ananantsika eto amin'izao tontolo izao amin'izao andro izao. Fa nodikaina ilay fitsipika volamena fahin'ny tokantrano, efa ela izany, ary avelan'izy ireo hanao izay tiany hatao ireo ankizy.

⁵⁴ Fa na araka ny nolazaiko aza, ireo mpitoriteny, dia ho tonga hifanatrika amin'ny Fahamarinana izy ireo, nefo avy eo handeha hanalavitra an'Izany. Hitanareo, izy ireo dia—izy ireo dia manana fotsiny... Toy ny hoe misy zavatra iray eo izay izy ireo—izy ireo dia tsy te-hiatrika an'izany.

⁵⁵ Nanana an'ireo olona tonga aho matetika, manao hoe, “Fantattro fa marina izany, Rahalahy Branham, saingy raha nanao an'izany aho, dia ho nandroaka ahy hivoaka ny fiangonana izy ireo.” Ahoana ny amin'izany? Raha tsy manao ianareo, dia handaka anareo hivoaka izy ireo, Any ambony any. Noho izany tsy maintsy ho voaroaka ianareo, any ho any, hitanareo. Noho izany tokony hiatrika tsara an'ilay izy ianareo, fa tsy tokony handositra hiala amin'izany ka hanao hoe, “Eny, handeha *eto* aho. Tsy hiverina aho.” Miverena, azo antoka, mihainoa betsaka kokoa an'Izany.

Zahao ny Soratra. Hoy Jesosy hoe, “Zahao ny Soratra, fa ao Aminy no heverinareo fa hahazoanareo ny Fiainana Mandrakizay, ary Izy ireo no Hany manambara Ahy.” Nefo hitantsika fa tsy hiatrika an'izany io olona io.

⁵⁶ Satria nentina, tao amin'ny Fanatrehan'Andriamanitra, ka mahita rehefa nanao teny fikasana iray Andriamanitra, dia voatery amin'io teny fikasana io Andriamanitra. Ary rehefa manao an'io teny fikasana io miseho Izy, amin'izay fotoana izay matahotra ny hiatrika an'ilay andraikitra amin'ny fanatanterahana ny Hafatry ny ora ny olona. Mahita an'izany hatraiza hatraiza isika.

⁵⁷ Ahoana ny aminareo Loterana? Loterana firy no matahotra, matahotra ny hiatrika ny Fahamarinan'i Luther ny olona rehefa tonga niaraka tamin'ny fanamarinana izy? Jereo hoe inona no vidin'izany aminareo, angamba ny fiainanareo manokana, ny mivoaka ka manambara an'i Jesosy Kristy ka—ka lasa ho—ho Loterana iray.

⁵⁸ Jereo ianareo Metodista, toy ny ahoana izany taloha, nantsoina hoe holy-rollers ianareo rehetra. Ataoko fa fantatrareo izany. Ary niditra teo ambanin'ny Fanahy izy ireo, ka voasintona aloha sy aoriana. Dia nilaza fa izy ireo—izy ireo no nanana “ny fisintonana.” Ny Met-...Izany, tsia, tsy ireo Pentekotista izany; fa ireo Metodista, taona maro lasa izay. Ary voasintona izy ireo, sy voahetsika, ary nianjera teo ambanin'ny herin'Andriamanitra. Ary nandrarakana rano teo amin'ny tavany izy ireo, sy nikopakopaka azy tamin'ny fikopahana, nihevitra fa torana izy ireo. Ary, ankehitriny, noheverina ho andiana holy-

rollers ianareo. Fa ianareo dia, ny reninareo sy ny rainareo, dia tokony na nanaiky an'Izany, niatrika ny Fahamarinana sy ny zava-miseho, na nandà azy.

⁵⁹ Ahoana ny aminareo Pentekotista izay nandray ny famerenana an'ireo fanomezam-pahasoavana, rehefa nivoaka ny batisan'ny Fanahy Masina, niaraka tamin'ny fitenenana amin'ny fiteny tsy fantatra, sy ireo fanomezan'ny Fanahy niverina tao amin'ny fiangonana? Nahoana, te-handroaka anareo ireo Metodista, ary nataony izany. Fa tokony niatrika an'izany ianareo. Izany no zavatra iray tokony nataonareo.

Ahoana ny amin'ilay adi-hevitra, rehefa nivoaka izany, mikasika ny batisa amin'ny Anaran'i Jesosy Kristy, nefà hitanareo fa izany no Fahamarinana? Tokony hiatrika an'izany ianareo, na nanao zavatra iray mikasika an'izany.

Manana andraikitra iray ianareo, manana ny olona rehetra, ary tsy maintsy miatrika an'ireo zavatra ireo ianareo. Eny àry.

⁶⁰ Ary rehefa mahita ianareo avy eo, amin'izao andro ankehitriny izao, rehefa nanao an'ireo teny fikasana ny amin'ireo zavatra izay hitantsika mitranga ankehitriny ny Tenin'Andriamanitra, manana andraikitra isika na hiatrika an'Izany na hanalavitra an'Izany amin'izay fotoana izay. Ianareo dia... Tsy afaka mijanona ho tsy momba ny atsy tsy momba ny aroa ianareo. Tsy maintsy manao zavatra iray mikasika an'Izany ianareo. Nilaza... Misy hetsika iray tsy maintsy atao.

Tsy afaka ny hiditra eo amin'ny varavarany'ity fiangonana ity ianareo ary mivoaka ho ilay olona iray ihany tahaka ny nidiranareo. Na ianareo lavitra kokoa, na akaiky kokoa an'Andriamanitra, isaky ny miditra na mivoaka eo.

⁶¹ Oh, mora toy ny ahoana no ialan'ny olona amin'ireo zavatra ireo. Ary tiako isika hieritreritra an'ireo rehefa manomboka an'ireo fotoana amin'ny fomba ofisialy isika rahampitso hariva, ka, tiako ianareo hanamarika rehefa misy zavatra iray hatrehana, raha ianareo... raha misy fanontaniana iray mikasika an'izany. Raha misy fanontaniana iray mikasika an'izany, dia tsy maintsy misy valiny iray.

⁶² Atao hoe, ohatra, raha nilaza aho fa handeha ho any andrefana, ka *ity* lâlana ity no notondroinareo tamiko. Eny, ny zavatra voalohany fantatrareo, dia ho diso tanteraka an'ilay tanjoko aho, ary izaho koa dia... Any amin'ny avaratra andrefana aho. Eny, ahoana moa raha misy olona manondro ahy an'ity lâlana ity, ka mandeha amin'io lâlana io aho? Ho diso amin'ny tanjoko indray aho; lasa tany atsimo andrefana aho. Eny, raha mbola misy fanontaniana iray foana, lâlana iza no andrefana, dia tsy maintsy misy valiny mivantana iray any ho any.

Ary rehefa mifanatrika amintsika ireo fanontaniana ireo, mikasika an'ireo Fahamarinana ara-Baiboly, dia tsy maintsy

misy valiny marina any ho any. Marina izany. Tsy maintsy misy eo.

⁶³ Ary rehefa mahita Zavatra miseho isika, heveriko, raha tokony handositra fotsiny, hanao hoe, “Ah, hadalana! Tsy afaka hino zavatra iray tahaka an’Izany aho. Tsy afaka hino an’Izany aho,” nahoana no tsy raisinareo ny Baiboly, ka mipetraka ary miatrika an’Izany? Ianaro Izany. Raha ato amin’ny favoriana ianareo ankehitriny, dia diniho tsara Izany. Amarino Izany, ny tenanareo, miaraka amin’ny Teny. Amarino ny Teny, amin’ny alàlan’ny Teny. Izany no fomba tokana hanao Azy hiteny ny Fahamarinana. Ary tsy maintsy miteny ny Fahamarinana Izany, manomboka amin’ny Genesisy ka hatramin’ny Apokalypsy.

⁶⁴ Kristy no fanambaran’ny Baiboly manontolo. Ao Aminy, Kristy, ny fahafenoana rehetra. Tanteraka tsy misy fepetra ao amin’i Kristy Jesosy ny fahatanterahan’ny faminaniana rehetra an’ny Baiboly, satria Izy no Andriamanitra voaseho tao amin’ny nofo.

⁶⁵ Ankehitriny rehefa hitantsika ireo zavatra ireo, na izany aza, rehefa mifanatrika isika ka tonga eo amin’ny favoriana iray, ka mahita ny Herin’Andriamanitra mihetsika sy manao zavatra, sy manao an’ireo asa ivelan’ny voajanahary, ary mahita an’izany natao, ka mijery ao amin’ny Baiboly ary mahita fa izany no nampanantenaina ho an’izao ora izao; amin’izay fotoana izay rehefa hitantsika ireo zavatra ireo, amin’izay fotoana izay dia mifanatrika amin’ilay andraikitra isika na hanaiky an’izany, ny tiako lazaina, dia ho an’ny tenantsika.

⁶⁶ Ankehitriny, olona maro no miara-manaiky, olona maro no milaza fa marina izany. Saingy izany tsy—izany tsy manao azy ho . . . Tsy izany ilay zavatra maha-tompon’andraikitra anareo. Araka ny efa nolazaiko, ahoana moa raha misy . . .

⁶⁷ Raha lehilahy tanora iray aho, ka mitady vady iray, mba hanambady; ary indro nitsangana ny zazavavy iray izay nahatanteraka ny fepetra rehetra izay noheveriko fa nilaina hataon’ny vehivavy iray. Nahoana, ara-toe-tsaina dia mpanjakavavy iray izy, sy maha-te-ho tia, ary—ary tsara toetra iray, tena Kristiana, ny zavatra rehetra izay azoko eritreretina, mba hanao vady tsara iray ho ahy. Tsy mamparinona na impiry no ilazako fa tanteraka izy, tena tsara tokoa izy, fa tsy ahy izy mandra-panaikiko azy sy ilay andraikitro amin’ny maha-vadiko azy.

⁶⁸ Toy izany ihany koa ny Hafatra. Mety milaza ianareo hoe, “Marina Izany, na *ity, itsy*, na ny *hafa*.” Ary manao hoe, “Miara-manaiky an’Izany aho. Mino aho fa Izany no Fahamarinana.” Fa tsy maintsy manaiky an’Izany ianareo; tsy maintsy lasa ampanahareo Izy, ary ianareo Ampahany. Ianareo dia . . . Amin’izay fotoana izay, dia anareo Izany.

⁶⁹ Rehefa manambady an'io vehivavy iray izaynofidinareo io ianareo, ianareo dia—ianareo dia iray amin'izay fotoana izay.

Ary tahaka an'izany ianareo amin'i Kristy. Rehefa mahita Azy voaseho sy natao ho tena misy ianareo, amin'izay fotoana izay dia Ampahany ianareo, ary Izy ampahanareo. Ary, miaraka, dia ampanhan'ny Hafatra ianareo.

⁷⁰ Oh, sambon'ny ara-anaram-piangonana firy no ananantsika mandeha mankany Tarsisy, ho an'ireo Jona an'izao andro izao, sivinjato amin'izy ireo, mahery, ireo sambo izay mandray ny lâlana mora. Tsy te-hiatrika an'izany izy ireo.

Jona dia tsy te-hiatrika, an'ilay zavatra handehanana mankany amin'ireo Jentilisa. Tsy te-hitondra an'io Hafatra masiaka be io ho any izy hoe, "Afaka efapolo andro, dia ho levona ianareo raha tsy mibebaka." Halany ny hanao an'izany. Dia nieritreritra izy hoe, "Ireo Jentilisa ireo, sarotra ny hiteny an'izay hataon'izy ireo amiko." Saingy tokony niatrika an'izany izy. Hitanareo? Fa naka sambo mora iray izy ary nandeha nankany Tarsisy, nidina tao amin'ny fanambanan'ilay sambo ary nandeha natory; naka an'ilay lâlana mora.

⁷¹ Lâlana mora izany, izany no lâlana malaza amin'ny olona. Mora ny mandray an'ilay lâlana izay misy ny olona rehetra afaka mikapokapoka anareo ao amin'ny lamosina ka milaza fa olona tsara ianareo, "Ary ity no *izao-sy-izao* ary anankiray," dia hijery anareo izao tontolo izao. Mora ny mandeha eo amin'ilay lâlana malaza.

Fa rehefa—rehefa tsy maintsy hanao zavatra hafa ianareo, rehefa tsy maintsy hijoro eo amin'ny faharesen-dahatralareo ny amin'izay fantatrareo ho ny Fahamarinana ianareo, dia eo no misy ny ampahany mafy, amin'izay no tonga ilay fikosehana, eo mihitsy.

⁷² Oh, tahaka ny nihirantsika matetika an'ilay hira fahiny:

Mora toy ny ahoana rehefa misosa eo amin'ny ranomasina, ka tony izany,
Ny matoky ny herin'ny sandry lehiben'i Jehovah.

Fa, oh, avelao hanomboka hitsoka ireo onja, avelao—avelao hitsoka sy hanainga an'ireo onja ny rivotra, amin'izay fotoana izay dia inona no ataonareo?

⁷³ Zavatra iray tahaka ny nolazaina tamiko, indray mandeha, izay nolazain'ny ramatoa iray. Tany amin'ireo andron'ny soavalny sy kalesy, izay nilazany fa nandrifatra niaraka taminy ilay soavalny, ayy tany am-piangonana. Hoy izy ireo, "Inona no nataonao?"

⁷⁴ Hoy izy, "Natoky ny Tompo aho mandra-pahatapak'ireo tady." Eny, izany no fotoana hatokiana ny Tompo, aorian'ny rehetra... aorian'ny fahatapahan'ireo tady. Matoky an'ireo tady ianareo mandra-pahatapak'izy ireo. Eny.

⁷⁵ Ary noho izany hitantsika fa manana lèlana mora maro handehanana isika, ireo sambo izay mandeha mankany Tarsisy, satria mora ilay izy, ireo tsy misy andraikitra. Mikorina fotsiny izany, manana ny zavatra rehetra tonga ianareo; tia anareo ny olona rehetra. Ary, ny olona rehetra, ianareo dia ny... Tsy misy olona mifandittra aminareo; ianareo tsy mifandittra amin'ny olona. Ankehitriny, raha tsy izany no vorodamba fanasam-bilia iray! Marina izany. Eny, misosa etsy, milamina eroa! Nahoana, na iza na iza, tsy ahoako na iza ianareo, sy izay tohananareo... Raha ny marina, ireo olona izay tsara fisainana dia hieritreritra betsaka anareo raha manohana ny faharesen-dahatrareo ny amin'izay marina ianareo. Marina. Tsy ahoako...

⁷⁶ Alaivo ny vehivavy iray, mety tsy ho tena mahasintona akory aza izy, na inona na inona izy; fa avelao io vehivavy io hanohana ny fitsipiky ny maha-vehivavy, avelao izy hijoro tahaka ny ramatoa iray; ka raha manana ampanah-dehilahy kely mikasika azy ny lehilahy iray, dia hiaro azy izy. Tanteraka tokoa. Isika dia mankasitraka zavatra iray izay—izay ananan'ny olona, hoe mino izy ireo fa izany no fahamarinana ary hanohana an'izay heverin'izy ireo fa marina.

⁷⁷ Wishy-washy toy ny ahoana, izany ireo Kristiana maro be amin'izao andro izao, tena malemy mohaka sy ny sisa, hany ka mihevitra izy ireo fa ny hataony fotsiny dia ny mikambana amin'ny fiangonana iray, miditra any ho any, mametraka ny anarany eo amin'ny boky iray, na manao zavatra kely iray, mitsambikina ambony-sy-ambany, mihiakiaka, na-na zavatra tahaka an'izany, dia miantso an'izany ho Kristianisma.

Ny Kristianisma isan'andro, dia fiainana sarotra, miaina ho an'Andriamanitra ao amin'ny...ity izao tontolo izao ankehitriny ity. Izany dia firehetana iray tsy an-kitsahatra an'ny Afo sy ny fitiavan'Andriamanitra, ao am-po, izay manao anareo hirehitra sy mametraka anareo any lavitra any miaraka amin'ireo olona, ary manao olona miova fo ho an'i Kristy. Andraikitra.

⁷⁸ Fa mora ny mandeha any amin'ny lèlana izay alehan'izao tontolo izao. Mora ny mikoriana eo amin'ilay ony.

Mandehana any ary mipetraha eo amin'ilay renirano, miaraka amin'ny lakanareo. Raiso ny fivoinareo dia manomboha manosika manohitra an'ilay fandehan'ny rano; tsy mahavita firy ianareo, ary lasa sarotra ilay izy. Fa avelao hivotsoatra indray mandeha fotsiny ireo fivoy dia diniho hoe haingana toy ny ahoana no andalovanareo an'ireo hazo, mandeha midina, saingy jereo izay handehananareo!

Rehefa mitsingevana mora ireo zavatra, dia tsarovy, fa mandeha mankany amin'ny—ny hantsana lehibe iray ianareo, karazany iray. Mandeha mankany amin'ireo riandrano ianareo, ary tsy ho ela dia ho tonga eo amin'io riandrano io. Mitsingevana

miaraka amin'izao tontolo izao fotsiny, mora, ny fomba andehanany, tsy mila an'izany ianareo. Tsia, tompoko. Fa ianareo dia tsy maintsy tom-... manaiky ny andraikitareo.

⁷⁹ Ankehitriny, mino an'Izany ianareo, ary ianareo dia manana a-... Mihevitra ianareo fa Izany no Fahamarinana.

⁸⁰ Ary ny andraikitra izay nomen'Andriamanitra antsika ao amin'izao andro izao, dia ny mitondra an'ity Hafatra ity! Ary satria miha-antitra aho, ary fantatro fa miha-fohy ireo androko, dia tsapako miha-lehibe noho izay hany efa tsapako ilay andraikitra. Mandroso hatrany, tsy maintsy manao an'izany isika! Tsy maintsy manomboka an'izany isika, na aiza na aiza alehantsika, ary miteny ny Hafatra; ary—ary miteny amin'ny olona fa ho avy Jesosy Kristy, fa Izy no Andriamanitra ary ho avy tsy ho ela Izy. Tsy misy ny—ny fanantenana iray tavela eto amin'izao tontolo izao af-a-tsy ny Fihavian'ny Tompo.

⁸¹ Mijery an'ireo sakaiza sasany ery aorianea ery aho izay niaraka tamiko tany ambony tany rehefa ilay Anjelin'ny Tompo...Ireo zazalahy mipetraka eto ireo, mino aho hoe hitan'izy ireo ny toerana izay nitrangan'izany tany ambony tany. Fa tsarovy fotsiny izay nolazain'ny Tompo tamin'io andro io, tamin-dRahalahy Wood. Niakatra an'ilay havoana izy. Ary—ary somary nitomany kely izy, nohon'ny vadiny izay narary. Ka hoy ny Tompo hoe, “Raiso io vato io ary atsipazo eny amin'ny habakabaka izany, ka lazao hoe, ‘HOY NY TOMPO HOE.’” Dia nataoko izany. Ary mipetraka ho vavolombelona iray Rahalahy Wood.

⁸² Dia hoy aho hoe, “Rahalahy Wood, tsy ho ela dia hahita zavatra hitranga ianao.” Ka ny ampitso, rehefa nitsangana teo izahay, izahay rehetra niaraka... Ary mitsangana eto mihitsy izao hariva izao ny andian-dehilahy iray.

⁸³ Tany ny mpitoky teny tanora iray, ary izy dia... Voamariko...Vao avy nihaona taminy aho ny hariva talohan'io. Tao amin'ny tobinay izy. Niakatra izy mba hiaraka taminay. Ary nilaza tamiko izy, hoy izy hoe, “Rahalahy Branham, efa mba nahita fahitana ve ianao, aty ivelany tahaka an'izao?”

⁸⁴ Hoy aho hoe, “Eny, tompoko. Fa tonga eto aho mba hanalavitra an'izany, mba karazany hiala sasatra kely fotsiny.” Hoy izy hoe... “Eny,” hoy aho, “izaho—izaho... Mazava ho azy, mampiseho zavatra amiko Izy eto.” Dia hoy aho hoe, “Teo amin'io havoana io mihitsy, teo no nisehoan'ireo Anjely fito.”

Hoy izy hoe, “Hia, azoko.” Hoy izy, “Izaho no iray tamin'ireo mpanohana ny favorianao tany California.”

Hoy aho hoe, “Eny, tena faly tokoa aho mahafantatra an'izany.”

⁸⁵ Ary raha mbola nitsangana teo, tamin'izay fotoana izay mihitsy dia njery nanodidina aho ka nahita karazana dokotera

iray matanjaka nandinika ny masonry, ary nandre azy aho nanao hoe, “Hahavery an’io maso io ianao, satria misy aretina iray ao anatin’ao. Ary efa nitsabo an’izany nandritry ny roa taona aho, fa hahavery an’io maso io ianao.”

Hoy aho hoe, “Ny antony nanontanianao ahy an’izany, dia satria niteny taminao ny dokoteranao indray andro fa hahavery an’io maso io ianao.”

Dia hoy izy hoe, “Marina izany,” ary njery nanodidina tahaka an’izao izy.

⁸⁶ Ary nahita ny reniny aho nanala ny iray tamin’ireo bānkirarony sady nihazona ny tongony hivoaka, niaraka tamin’ireo fivontosana kely nihantona teo anelanelan’ireo rantsan-tongony, ambony-sy-ambanin’ny ranjony; ary nanao hoe, “Raha mahita an-dRanadahy Branham ianao, dia lazao izy mba hivavaka ho an’ity.”

Hoy aho hoe, “Ny reninao dia nihazona ny...namoaka ny tongony tahaka an’izao, ary nilaza fa izy dia...manana fivontosana kely manerana ny—ny rantsan-tongony rehetra, sy tahaka an’izany; ary nanao hoe, ‘Asaivo mivavaka Ranadahy Branham.’”

Hoy izy hoe, “Rahalahy Branham, izany no fahamarinana.”

⁸⁷ Nijery tany aoriana aho. Rehefa nitodika aho, dia nahita azy nitsangana teo nijery ahy, tahaka an’izao, niaraka tamin’ireo masonry tena namiratra mihitsy. Nihaona taminy aho tamin’ity lohataona ity; izy no nanana maso tsaratsara tokoa nohon’ny olona rehetra tao amin’ilay toby. Nanasitrana azy ny Tompo ary nanao azy ho salama.

⁸⁸ Raha mbola nitsangana teo aho, dia nilaza ny Tompo, naneho tamiko an’izay hitranga. “Vonona hamely ny Morontsiraka Andrefana ny Fitsarana.” Ary hoy Izy hoe, “Mandehana ery, eo akaikin’io fatana io.”

⁸⁹ Fa nanana angady iray aho teny an-tānako; nandeha nankeny. Ary Rahalahy Roy Roberson, mahafantatra azy isika rehetra eto. Tsy eto izy izao hariva izao, araka ny fantattro; any Arizona any izy. Izy no filohan’ireo mpitantan-draharaha eto, ary fantattro fa mpiady tranainy iray izy. Dia nisy zavatra iray nitranga; maraina anankiray tena tsara, mangina, teo amin’ny folo maraina teo. Ireo zazalahy rehetra nanodidina teo, folo na roa ambin’ny folo taminay, dia nangorona an’ireo tranolay, ary nanendaka ny hoditr’ireo kisoa, sy ny sisa. Noho izany izahay... Nandeha nanodidina aho, hoy aho hoe, “Roy, miafena, haingana. Misy zavatra efa vonona ny hitranga.” Tsy afaka niteny taminy intsony aho. Fa ny fotoana izay nahatongavako teo mihitsy... .

Ary tonga nidina avy tany an-danitra ilay tadiion’Andriamanitra, ary nitefoka, tahaka ny, nanozongozona an’ireo havoana, niditra tao anatin’io tendrombohitra io,

nanapaka tsipika lava iray nanodidina an'izany mihitsy, teo amin'ny dimy dian-tongotra teo ambonin'ny lohako, ary nanapaka ny tendron'ireo hazo rehetra, raha nivoaka ireo vato. Nandeha niakatra teny amin'ny habakabaka ary nidina indray, niaraka tamin'ny batisa goavana hafa iray, ary nikapoka nanerana ny tendrombohitra, ka nanipy an'ireo vato tahaka an'izao. Nanao an'izany intelo, ary niakatra teny amin'ny habakabaka avy eo.

Ary nanatona ahy Rahalahy Banks, nanao hoe, “Izany ve ilay nolazainao omaly?”

Hoy aho hoe, “Eny, tompoko, izany marina tokoa ilay izy.”
Hitanareo?

⁹⁰ Ary avy eo roa andro taorian'izany, dia nilentika i Alaska, saiky, tany ambony tany. Ary tany ambony-sy-ambanin'io Morontsiraka Andrefana io no nisy an'ireo kotrokorana sy fanosehana, sy ny zavatra rehetra nitranga. Ary indray andro any dia hikorisa ao ambanin'ny ranomasimbe izy. Marina. Inona izany? Miaina ao amin'ny oran'ny Fihavian'ny Tompo isika.

⁹¹ Mahita an'ireo isma sy ny sisa mitsangana isika, ary ireo zavatra samihafa rehetra ireo, dia fantatsika fa tsy maintsy misy valiny marina iray ho an'izany.

Misy olona any ivelan'ny firenena ankehitriny, mandeha ao anatin'ireo zohy sy ny sisa hoe, “Ary amin'ny faha-16-n'ny Martsa,” efa namaky an'izany tao amin'ny gazety ianareo, “no ho tonga ny Tompo.” Fantatrareo fa tsy izany no izy.

Hoy Jesosy hoe, “Tsy misy olona mahafantatra ny minitra na ny ora.”

⁹² Rehefa mahita an'ireo zavatra rehetra ireo isika, sy ireo zavatra miseho amin'izay maha-izy azy, dia tsy maintsy misy valiny iray marina any ho any. Tsy maintsy misy Fahamarinana iray. Misy anankiray, atsinanana; ary anankiray, andrefana; fa misy ny anankiray, atsimo atsinanana, ary avaratra andrefana, na zavatra iray. Fa tsy maintsy misy valiny iray marina, any ho any, ho an'ilay olana. [Elanelana tsy voaraki-peo—Mpand.]

⁹³ Miala amin'izany ve? Tsy maintsy miteny amin'ny olona isika fa miaina ao amin'ireo oran'ny Fihavian'ny Zanak'Andriamanitra isika. Isika dia maniry—maniry hiambina sy (Andriamanitra) ho eo amin'ny fandehanana, amin'ny fotoana rehetra, vonona ny hanome valiny marina iray ho an'ny olona.

⁹⁴ Tahaka an'izany foana ilay izy. Izany dia—izany dia efa tao amin'ny olona, niala ary nandeha nanalavitra an'Andriamanitra izy, efa hatrany amin'i Adama, tao amin'ny sahan'i Edena. Rehefa tao amin'ny sahan'i Edena i Adama, rehefa tonga teo amin'ilay andraikitra hanao ny safidiny izy hoe, hijanona hijaraka amin'Andriamanitra ve izy sa handeha hijaraka amin'ny vadiny? tsy maintsy nanao an'io andr-...tsy maintsy nanao

an'io izy, ilay-ilay andraikitra dia niankina taminy. Na izy tsy maintsy nandray izay nolazain'ny vadiny na izay nolazain'Andriamanitra. Ary rehefa nifidy ny handeha amin'ny lâlan'ny vadiny izy, sy rehefa nanao an'izany, tamin'izay fotoana izay dia veriny ny toerany tany am-boalohany. Ary nitondra an'izao tontolo rehetra izao teo ambanin'ny fahafatesana izy, rehefa tsy maintsy na mandray an'ilay andraikitra, na manaiky an'ilay hazavana vaovao izay hitan'ny vadiny, izay nifanohitra.

O Andriamanitra! Eritrereto izany. Teo amin'ny Teny valo na folo teo fotsiny no nomen'Andriamanitra azy ireo hotandremana. "Fa tsy hihinana avy amin'io hazo io ianareo." Izay ihany no tsy maintsy notandreman'izy ireo. Nefa na niaraka tamin'io habetsahan'ny Teny io fotsiny aza, dia nodikain'izy ireo Izany.

Tamin'izay fotoana izay i Adama no tsy maintsy niatrika, "Izaho ve, izaho ve hanao arak'izay nolazain'ny vadiko fa hatao, sa hanao an'izay nolazain'Andriamanitra fa hatao?" Fa nandeha nivoaka niaraka tamin'ny masonry nisokatra izy. Tokony nandray an'ilay andraikitra izy. Izany no nanipy ny taranak'olombelona manontolo tao amin'ny fahafatesana.

⁹⁵ Avy eo tonga ilay Adama hafa iray, izay Kristy, tsy misy anankiray mihitsy tahaka Azy! Olona iray ve milaza fa tsy Andriamanitra Izy? Ny naха-tokana Azy no nanaporofo fa Andriamanitra Izy. Tsy nisy manan'aina iray niaina tahaka Azy mihitsy. Niaina tao amin'ny tontolo iray an'ny Tenany Izy. Teraka ivelan'ny farity ny ara-boajanhary Izy, ny olona mpanota. Haleloia! Izy no Mpamorona ny Tenany tonga nofo.

Iza no mba efa njoro teo amin'izay Nijoroany? Iza no mba niteny tahaka Azy? Iza no mba afaka nilaza an'ireo zavatra izay Nolazainy? Iza no mba afaka nanao an'ireo zavatra izay Nataony? Ny naха-tokana Azy no nanaporofo fa Andriamanitra Izy. Tsy nisy mpaminany iray na inona na inona hafa afaka nanao an'izay Nataony; Iza no afaka niantso ny maty avy ao am-pasana, ary Iza no afaka nampijanona ny lanitra, sy nanao ny zavatra rehetra izay Tiany natao. Andriamanitra Izy. Iza no mba afaka njoro teo amin'ny Toerany? Iza? Mety ho inona Izy afa-tsyo Andriamanitra tanteraka, tsy mety maty io, tonga nofo ary nonina teo anivontsika!

⁹⁶ Tsy misy na inona na inona mba ampitahaina Aminy. Niaina tao amin'ny tontolo iray an'ny Tenany Izy. Tsy nisy olona mba niteny tahaka Azy. Rehefa nanokatra ny Vavany fotsiny Izy, dia nisy zavatra mikasika an'izany, izay hafa noho ny an'ny olon-kafa rehetra. Nisy olona iray nilaza fa lehilahy tsotra iray fotsiny Izy; toheriko izany. Andriamanitra Izy. Izany no naха-izy Azy. Satria, tsy nisy olona mba niteny tahaka Azy, tsy nisy olona afaka niteny tahaka Azy, satria Izy no Teny velona Izy tenany tonga nofo, ny fanehoana ny fahafenoan'Andriamanitra.

⁹⁷ Hanaiky aho, hoe nanana ny hafany ireo mpaminany ireo. Nanana an'izany izy ireo tamin'izany fotoana izany; manana an'izany izy ireo ankehitriny. Fa nisy ny fahafenoan'ny Maha-Andriamanitra ara-batana, voaseho teo. Izy no Anankiray tokana, ary Izy no Anankiray izay tsy maintsy niatrika an'ilay fanontaniana. Niaraka tamin'ireo Heriny lehibe izay Nananany, ka afaka ho ilay mpanjakan'izao tontolo izao tanteraka tokoa Izy. Ho izany Izy; ary Izy, ho an'ireo Masiny, dia izany Izy ankehitriny.

⁹⁸ Nitsangana teo Izy. Olona iza no hahantra, tsy nanana toerana iray hametrahana ny Lohany; nefo nahafantatra mihitsy aza hoe aiza no nisy trondro anankiray nitelina vola madinika iray? Iza, olona iza no afaka naka an'ireo sinin-drano goavana ireo ka namadika azy ho divay, nefo tsy nanana toerana iray hametrahana ny Lohany? Tsy maintsy niatrika an'ireo andraikitra izay efa nomena teo an-Tanany Izy. Olona iza no afaka hanangana olona iray hivoaka avy ao am-pasana, rehefa avy maty efatra andro izy ary lô?

Tsy afaka namonjy ny Tenany ve Izy? Azo antoka, afaka Izy; saingy raha nanao an'izany Izy, dia tsy ho namonjy antsika Izy. Tsy maintsy niatrika an'ireo andraikitra Izy, ary nohon'ny Fankatoavany ny Teny! Fa, ny tsi-fankatoavan'i Adama, dia naka an'ilay hitsin-dàlana izy, ny—ny lâlana nankany Tarsisy. Fa Jesosy naka ny lâlana nankany Ninive, tany amin'ireo Jentilisa, mba hahazo Ampakarina iray ho an'ny Tenany. Faly aho fa nanao an'izany Izy, izao hariva izao. Tokony hiatrika an'ireo zava-misy isika, ka hikambana Aminy, hanaisotra an'izao tontolo izao. Amena!

⁹⁹ Tsy maintsy niatrika an'izany ny olona rehetra, izay nanana andraikitra iray teo anatrehan'Andriamanitra. Raisintsika fotsiny, ohatra, i Noa. Tsy maintsy niatrika izy. Noa, Mosesy, Elia, sy ny sisa tamin'ny—ny taona rehetra, dia tsy maintsy niatrika an'ilay andraikitra. Ary tsy maintsy nanao an'izany izy ireo, fa izany no antony nanirahana azy ireo tao amin'ilay ora.

¹⁰⁰ Jereo i Noa tao amin'ny taona siantifikany, toy ny ahoana no tsy maintsy niatrehany ny zavatra iray izay tena tsy siantifika. Nahoana, tsy nisy ny—ny—ny antony iray tsy na ha-siantifika an'ilay izy... Hitanareo, izany—izany dia tsy siantifika, raha ny marina. Nahoana, nilaza izy ireo fa ho avy ny orana avy any an-danitra. Tsy nanana orana nilatsaka avy any any an-danitra mihitsy izy ireo. Ankehitriny, tsy maintsy niatrika an'izany izy. Andriamanitra no nilaza fa ho avy ny orana. Ary noho izany izy...

¹⁰¹ Noho izany ny finoana tsy misy asa dia maty; raha hoy ianareo hoe, "Mino an'izany aho," nefo tsy manao hetsika. Tahaka ny Hafatra mihitsy, raha hoy ianareo hoe, "Mino an'izany aho," nefo tsy manao hetsika, dia inona no

soa ataon'izany? Hitanareo? Nandeha niasa niaraka tamin'ny maritoany i Noa ary nanorina sambofiara iray, mba hanamarina an'izay noresahany. Izany no tokony hataantsika, ihany koa. Tokony mandeha miasa isika, mba hanaporofo ny finoantsika, amin'ny alàlan'ireo asantsika. Ireo asantsika no manaporofo ny finoantsika.

¹⁰² Tsy maintsy nanao an'izany i Mosesy, ary tsy maintsy nanao an'izany i Elia. Tsy maintsy nitsangana ary niatrika an'ireo andraikitra ireo ny mpaminany rehetra tao amin'ny taonany. Fa maro tamin'izy ireo no tsy nanao tahaka an'i Jona. Nandositra izy; izy ireo tsy nandositra.

¹⁰³ Mariho, “Miantsoantsoa mafy manohitra an'izany.” Oh, oadray! Io ilay izy. Izany ilay lohahevitra, “Miantsoantsoa mafy manohitra an'izany.” Io ilay ampanhan’ny fanamarinana.

Mandehana fotsiny any ka teneno ireo olona ireo hoe, “Hono ho’aho, tonga hikambana amin’ireo zalahinareo aho. Fantatrareo, mino aho fa hiteny aminareo an'izay hataoko aho. Manana zavatra kely aho eto izay inoako fa ahafahako manao ny . . . mitondra antsika rehetra miaraka, ary hanao an’ity, *itsy*, na ny *hafa*.”

Fa, ilay izy dia, “Miantsoantsoa mafy manohitra an'izany,” rehefa tsy maintsy hiantsoantso mafy manohitra zavatra iray ianareo. Ankehitriny, tsy maintsy niantsoantso mafy nanohitra ny zavatra rehetra izay nisy tany izy; niantsoantso mafy nanohitra an'ilay tanàna, niantsoantso mafy nanohitra ny asan'izy ireo, niantsoantso mafy nanohitra ny fiangonan’izy ireo, niantsoantso mafy nanohitra ny mpaminanin’izy ireo, niantsoantso mafy nanohitra ny mpitoritenin’izy ireo, niantsoantso mafy nanohitra ny mpisoron’izy ireo. “Miantsoantsoa manohitra an'izany, ilay zavatra manontolo! Miantsoantsoa mafy manohitra an'izany!”

¹⁰⁴ Niantsoantso mafy nanohitra ny taonany i Noa. Azo antoka, nanao izy, nanohitra an'ireo fiangonana an’ny taonany.

Tena niantsoantso mafy tokoa i Mosesy nanohitra ny—ny taonany; ny olona, ireo mpisorona, sy ny sisa. Niantsoantso hatramin’ny farany nanerana an'ilay an-efitra izy. Ny fihaonan-dàlana rehetra, niantsoantso izy, niantsoantso tsy nitsahatra an'ireo olona.

Tsy tena nalaza i Elia tamin’ny androny, satria niantsoantso mafy nanohitra an’io taona io izy. Izany tokoa.

¹⁰⁵ Tsy tena nalaza i Jaona Mpanao-batisa tamin’ny taonany. Niantsoantso mafy nanohitra ny taonany izy. Nilaza tamin'ilay mpanjaka izy, ny—ny manam-pahefana an'ilay—an'ilay firenena; izy—izy dia nanana, nanambady ny vadiv’ny rahalahiny. Tsy maintsy nitory ny fanambadiana sy fisaraham-panambadiana izy, indray maraina. Noho izany dia niantsoantso mafy nanohitra an'izany izy, hoy izy hoe, “Tsy ara-dalàna ny

nakanao azy.” Ny vidin’izany ho azy, dia tsy maintsy notapahina ny lohany, taty aoriana, saingy niantsoantso mafy sy njoro teo amin’ny laharan’andraikiny izy.

Tsy naka sambo ho any Tarsisy mihitsy izy, ka nanao hoe, “Eny, mifanaraka aminao aho, ry Heroda. Tena tsara izany. Raha mbola mihevitra foana ianao fa vehivavy tsara iray izy, hanao vady tsara anankiray ho anao, dia mandehana.” Oh, mamindrà fo. Ireo vorodamba fanasam-bilia, hitanareo, hia, ny zavatra kely rehetra fotsiny... Nahoana, tsy misy afa-tsy anadiovana vilia maloto fotsiny izany.

¹⁰⁶ Fa, mariho, tsy tahaka an’izany i Jaona. Niatrika an’izany izy. Hoy izy hoe, “Tsy ara-dalàna ny nakanao azy.” Eny, tompoko. Ary nitsangana nanohittra an’izany izy.

¹⁰⁷ Tsy nandositra mihitsy izy ireo. Tsy nandositra i Jaona. Nitsangana sy niatrika an’ireo zava-misy izy ireo. Nanandrana handositra i Mosesy, indray mandeha, tahaka an’i Jona, saingy naverin’Andriamanitra izy. Maro tamin’izy ireo no nanandrana hanalavitra an’izany; izy ireo dia nanomboka....

Fa, jereo, raha Andriamanitra no niantso anareo, ka mahazo antoka ianareo fa ao amin’ny Hafatra Andriamanitra, dia tsy misy na inona na inona hampiverina anareo. Tsy nampiverina an’i Jona izany. Tsia, tompoko.

¹⁰⁸ Amosa fahiny, niantsoantso mafy, nanao hoe, “Nierona ny liona, ka iza no tsy hatahotra? Ary Andriamanitra no niteny, ka iza no tsy haminany?” Iza no tsy haminany, rehefa mahita an’Andriamanitra miteny ianareo ka nilaza fa hitranga ny zavatra iray, ary io ilay izy?

¹⁰⁹ Mierona ny liona iray, matahotra ny olona rehetra, eny, tompoko, raha efa mba nandre anankiray nierona tany anaty ala ianareo. Afaka mandre ny fimeomeon’ireo ao anaty tranom-biby eto ianareo, ireo liona voafolaka, fa tokony handre ny tena izy anankiray ianareo, anankiray mierona indray mandeha. Hianjera avy eo amin’ny havoana ireo vato kely, any amin’ny dimanjato yards avy eo. Tiako ny hahita an’izay ivoahan’ilay fihorahana rehetra avy ao amin’ireo avokavoka ireo. Ary aondrinhy ny lohany, atsangany ireo volony; tsy nandre na inona na inona mihitsy aho... Tahaka ny—ny tafondro iray mivoaka, rehefa mihoraka an’io fierona goavana ao amin’ny avokavony io izy. Iza no tsy hatahotra?

Nilaza izy ireo, fa raha mba novonoin’ny liona iray ianareo, dia tsy maharary izany. Mampatahotra mafy izy alohan’ny hisamborany anareo. Hitanareo, tsy voamarikareo izany. Mampatahotra anareo amin’io fierona masiaka io izy, ary indro izy fa eo aminareo ao anatin’ny ampanan-tsegondra.

¹¹⁰ Hoy izy hoe, “Nierona ny liona, ka iza no tsy hatahotra? Ary Andriamanitra no niteny, ka iza no tsy haminany?” Rehefa mahita an’Andriamanitra manao zavatra iray ianareo, dia hoy

ianareo hoe... “Mety tsy ho mpaminany iray aho...” Hoy Jona hoe... “Mety tsy ho mpaminany iray aho, na ho zanaky ny mpaminany. Fa niteny Andriamanitra, ka iza no tsy haminany?”

¹¹¹ Mety tsy ho mpaminany iray aho, izaho mety tsy ho *ity, itsy*, na ny *hafa*. Rehefa mahita an’Andriamanitra manao zavatra iray aho, ka hitako eto amin’ny Teny izany, ary Izy no nampantanena an’izany, dia iza no afaka hihazona ny filaminany ka hipetraka tsara? Azo antoka, Izy no nanao an’izany.

¹¹² Isika koa tsy afaka hiafina ao ambadik’ireo fanekempinoana sy ireo fiombonana rehetra eto ireo, ka hidina any—any Tarsisy. Tsy te-handeha miaraka amin’ireo fiombonana ireo isika.

¹¹³ Fa maro, tahaka an’i Adama, no manao an’ilay zavatra iray ihany, miezaka manao solo iray amin’ny fomba anankiray, miezaka hahita lèlana mivoaka iray, ka—ka manao solo anankiray, mba hiatrika an’Andriamanitra. Taorian’ny nahafantaran’izy ireo an’ilay fahadisoana, niatrika ny Fahamarinana, dia niaraka tamin’ny vadiny izy ary nanao marina tokoa an’izay notenenin’Andriamanitra taminy mba tsy hatao. Nandroso avy hatrany izy ary nanao an’izany, na ahoana na ahoana. Ary tamin’izay fotoana izay no nahitany ny tenany nitanjaka, izy [she] sy izy [he], izy roa, tao amin’ny sahan’i Edena. Lasa nisokatra ny mason’izy ireo. Fantany izay tsara sy ratsy, tamin’izay fotoana izay. Ary avy eo dia niezaka ny hahita solo iray izy, mba hanarona ny tenany tamin’izany.

Ankehitriny, saiky tahaka an’izany no ataontsika amin’izao andro izao, fialan-tsiny iray, manao hoe, “Eny, lazaiko aminao, raha *teto* izany, na raha *ity*.” Na, “raha, raha, raha,” izany fotsiny dia... Hitanareo? Fa tsy maintsy miatrika an’izany ianareo. Na marina izany na diso. Ary raha marina izany, dia ndao isika hijanona eo aminy. Raha diso izany, dia mialà lavitra azy. Izay ihany. Raiso izay... Tadiavo izay marina. Tsy mila miandry ela ianareo. Ndao isika hitady ankehitriny izay Fahamarinana sy izay marina, ary hijanona miaraka amin’izany. Fantatsika fa marina izany.

¹¹⁴ Ankehitriny, mahita isika amin’izao andro izao fa ireo olontsika dia tena... Toy ny hoe lasa nivoaka ny fiangonana ny fahatsoram-po rehetra. Izaho... Ao amin’ny...

¹¹⁵ Mipetraka ao amin’ny tranon’ny anabavy sarobidy iray izay tonga amin’ity fiangonana ity izahay any. Mipetraka eto angamba izy izao hariva izao. Fa ampanofainy an’ny... ireo olona izany. Ary efa tena tsara fanahy taminay mihitsy izy mikasika an’io toerana io, ny amin’ny namelana anay hahazo an’io toerana io. Koa noho izany te-hiantso ny anarany aho, saingy mety tsy tiany ny hanaovako an’izany. Ary tena tsara fanahy taminay izy, eny, izahay tokoa dia tsy—tsy te-hampiharihary azy. Fa izy dia efa tena, tena vehivavy malala

iray. Ary tao amin'ilay trano, dia nisy televiziona anankiray teo amin'ny zorony iray. Izahay dia nanana iray kely, roa, trano kambana.

Manana fianakaviana goavana iray aho, sy andiana tanora anankiray, ary izahay...fa ianareo—ianareo dia mahafantatra, hoe tsy maintsy manana fandriana izy ireo, ary feno azy ireo. Ary mivangongo eo an-tampony ny zavatra rehetra, ka tsy maintsy mitety an'ity sy mitety an'itsy ianareo, mba hiditra sy hivoaka.

¹¹⁶ Koa noho izany nanana televiziona iray izy ireo tany. Ary tao amin'io televiziona io, nandeha njery ireo ankizy, ny Alahady maraina, karazana hira fiderana iray izay nandeha. Fa, fantatrareo, izany—izany dia saiky hanao anareo ho menatra; raha tsy nisy ny Kristianisma iray tena izy tany ho any izay azonareo hametrahana ny tànanareo, mba hahitana an'izay antsoina hoe Kristianisma. Nahoana, toy ny hoe lasa nivoaka tamin'izany ny fahatsoram-po rehetra. Nahoana, izy ireo dia tsy, izy ireo dia tsy toy ny... Nahoana, tena mampahatahotra fotsiny ny fomba izay nitsanganan'izy ireo teo sy namokonany an'ireo totohondriny sady nifamono, teo amin'izany, nefà niezaka nihira hira fiderana sy ny zavatra rehetra tahaka an'izany; ary mamoaka vazivazy izay saiky tsy havoakan'ny tantsambo iray, sy milaza an'ireo karazan-javatra rehetra, ary mivazivazy sy manohy. Fantatrareo, ilay fahamasinan'ny—ny—ny Kristianisma dia toy ny hoe nahavery ny toerany.

¹¹⁷ Ankehitriny, mandeha any am-piangonana aho ary—ary mahita an'ilay pasitera miakatra eo ka manao filazana fa hisy—hisy ny—fifaninanana milomano. Ireo vehivavy rehetra ao anatin'ireo akanjo fitondra mandro, handeha ho any izy rehetra. Banana fanadinana iray izy ireo; ireo vehivavy, milomano. Ary izy ireo dia hanana ny—ny karazana fety iray, sy hanendy betsaka amin'ireo—ireo akoho, sy hilalao banco, sy—sy ireo zavatra rehetra tahaka an'izany. Ho ahy, dia izany no manala an'ilay fahatsoram-po tena izy ao amin'ny Kristianisma; milamindamina fotsiny amin'ny zavatra rehetra.

¹¹⁸ Efa nahita aho, tonga teto, mahita isika... Fantatrareo, mahita an'ireo anabavintsika manao sorta isika, eto amin'ity faritra mangatsiaka ity, betsaka nohon'ny ahitanareo azy ireny any amin'ny faritra mafana. Hitanareo, marina izany. Any amin'izay tena mafana, dia tsy misy betsaka amin'izy ireo no manao azy ireny. Fa eto, izay—izay mangatsiaka, izy ireo—izy ireo no manao an'izany. Hitanareo, izany dia, tsy mahalala izy ireo fa ny devoly no manao an'izany. Hitanareo? Ankehitriny, raha hoe mba hahazoana aina ilay izy, raha hoe mba hanampiana ny tenanareo ilay izy, dia ho hafa izany. Amin'ny maha-lehilahy, dia heveriko fa toy ny mankaloiloy izany eo amin'ny lehilahy iray, saingy—saingy ianareo—ianareo dia—tsy hiraharaha lehilahy iray. Fa, ilay ramatoa, ny—ny vatany

dia masina, ka tsy maintsy mihazona azy tahaka an'izany izy. Ary ny mahita an'ilay ratsy... .

¹¹⁹ Afaka mahita ianareo, an'ireo olona amin'izao andro izao. Misy fanahy roa. Ary Fanahy Masina ny iray amin'izy ireo; ilay anankiray hafa kosa fanahy tsy masina iray, ary ny iray dia entin'izany. Fa samy mpivavaka izy roa ireo. Ankehitriny, hia, izany ilay ampahany hafahafa, samy mpivavaka izy roa. Ary tahaka an'i Esao sy Jakoba mihitsy, samy mpivavaka izy roa; tahaka an'i Kaina sy Abela, samy mpivavaka izy roa; tahaka an'i Jodasy sy Jesosy, samy fivavahana izy roa, samy mpivavaka izy roa. Ary hitantsika izany amin'izao andro izao, ireo lafiny roa, mpivavaka. Hitanareo, ilay fanahy iray ihany izany. Maty ny olona, fa ny fanahiny tsy maty. Manohy avy hatrany izany, samy mpivavaka izy roa.

Ny iray amin'izy ireo dia azon'ny Fanahy Masina, ka miaina amin'ilay karazam-piainana izay tokony iainany, ary mandeha araka ny toe-panahy sy mahitsy fo. Tsy hamitaka anareo amin'ny iraimbilanja izy ireo, ary izy ireo—izy ireo dia hanao ny zavatra rehetra hahitsy fo arak'izay vitany, mba hanampiana anareo. Ary ireo hafa dia... . Tsara arak'izay mety haha-izy azy ireo mihitsy.

Ary ireo hafa, mahita isika, dia ny mifamadika fotsiny. Ary, kanefa, samy fanahy mpivavaka izy roa ireo, ny roa amin'izy ireo; ny anankiray, Fanahy Masina; ary ilay hafa, fanahy tsy masina iray. Ary raha nahamarika ianareo, izany dia, na milaza ho fivavahana aza, dia haneso anareo izy ireo ary hiantso anareo ho holy-roller iray. Manao ny zavatra rehetra izay azony atao izy ireo.

¹²⁰ Izy ireo, dia minia tsy mahalala ny—ny Tenin'Andriamanitra tsy miova, toy ny hoe tsy voasoratra mihitsy aza Izany.

Hitanareo, afaka milaza ianareo hoe, “Ankehitriny, jereo eto, raha—raha ny batisa... .”

“Manana ny Fanahy Masina aho!”

“Nefa mitsangana eo miaraka amin'io sigara eo antananareo io ve, mifoka an'izany?”

“Eny, manana ny Fanahy Masina aho! Izaho dia tsy mihevitra fa ratsy ny maka fisotroana kely. Izaho dia tsy mihevitra fa izany... .” Hitanareo?

Ary voamarikareo ve, “*Izaho dia tsy mihevitra*”? Fa hafa no neverin'Andriamanitra, hitanareo, araka Ny Teniny. Hitanareo? Hitanareo, izy ireo... . Ary izy ireo—izy ireo fotsiny raha tena tsorina dia—dia mandrora eo amin'Izany. Tena marina tokoa izany.

¹²¹ Tena tahaka an'ilay zalahy antitra kely mandringa izay nandady tamin'io fotoana io, rehefa voaroaka avy teo amin'ny seza fiandrianany i Davida. Niakatra teny amin'ny Tendrombohitra Oliva izy, nandeha nivoaka, nitomany raha

niakatra, njery tany aoriana. Ary nandady teo io zalahy antitra kely io dia nandrora teo aminy. Ka hoy ilay mpiambina hoe, "Havelako ve ny . . . ny lohan'io alika io hipetraka eo aminy, nefà nandrora teo amin'ny mpanjakako?"

Hoy Davida hoe, "Avelao izy hipetraka tsara." Hitanareo, nandrora teo aminy izy ireo.

¹²² Teo amin'ny valonjato taona taty aoriana, izy ireo dia nandrora teo amin'ny Zanany, Jesosy Kristy, ihany koa.

Ary mandrora eo Aminy indray izy ireo amin'izao andro izao. Izany aza tsy toy ny hoe fotsiny . . . Tsy nanaja, tsy niraharaha, nampiakatra ny lohany fotsiny dia nanalavitra an'Izany, ary mihomehy eo amin'ny tavanareo. Nahoana izany? Eo ambonin'ny sambo mankany Tarsisy izy ireo. Tena marina izany.

Ity fiantsoana an'Andriamanitra ity, dia tsy maintsy miantsoantso mafy manohitra ny ratsy ianareo, miantsoantso mafy manohitra ny fahotana, miantsoantso manohitra ny zavatra rehetra izay diso. Ankehitriny, tsarovy, ho izany ilay izy.

Hey, fantatrareo, io ora io. Fantatrareo, eo amin'ny ora roa samy hafa aho. Ary any Tucson dia amin'ny fito sy folo minitra fotsiny izao, ary—ary izaho dia lasa somary—somary any ivelan'ny toerako eto. Hah? Eny àry.

¹²³ Ankehitriny tsarovy, tsy maintsy hamaly ny amin'izany isika. Tsarovy, hamaly ny amin'izany ireo izay mandrora eo amin'i Kristy.

Rehefa niverina avy tany amin'ny sesin-taniny i Davida, rehefa mpandositra iray izy, ary rehefa niverina, tsarovy, dia niankohoka tamin'ny tavany io zalahy io ka niantsoantso famindrampo mafy. Nandrora teo amin'i Davida izy, rehefa nivoaka, fa saiky vonona ny hamandro ny tongony tamin'ny ranomaso, kosa, rehefa niverina izy.

Ary indray andro any dia hahita an'izany ireo izay nandefona an'i Jesosy.

Ary ireo izay mandefona Azy amin'izao andro izao dia hahita an'izany, ihany koa. Izy ireo, indray andro any, hiverina izany. Tsarovy, Apokalypsy 22, mitaky antsika hitandrina ny Teny rehetra izay Nosoratany Izy; ny Teny rehetra.

¹²⁴ Fantatsika ankehitriny fa eto Ny Fanatrehany. Izany dia voamarina. Manana an'izany isika. Matoky isika, amin'ity herinandro ho avy ity, fa hitohy ho voamarina eo anivontsika izany; ho sitrana ny marary, ary hiseho ireo zavatra lehibe.

Tsy mila an'ilay hevitra malaza isika. Mila ny Fahamarinana isika. Ary isika tsy, isika (mila) tsy mila ny—tsy mila hiatrika afa-tsy izay nolazain'Andriamanitra ho ny Fahamarinana. Fa, "Mahazoa antoka hoe hahita anareo foana ny fahotanareo." Raha tsy eto izy no mahita, dia hahazo anareo izy any amin'ny

Fitsarana. Noho izany ianareo dia—ianareo dia... Hahatratra anareo izy any ho any, ankehitriny. Eny, tompoko.

¹²⁵ Fa raha Kristiana marina iray ianareo, voaantsa marina tahaka an'i Jona, dia efa voaloan'Andriamanitra ny saran-dàlanareo. Midina avy ao amin'io sambo mandeha mankany Tarsisy io, na ahoana na ahoana. Andriamanitra no nifidy anareo mialoha ho amin'io fiainana io. Eny, tompoko. Raha zanak'Andriamanitra marina iray ianareo, nantsoina, dia manatòna an'i Kristy. Midira ao amin'ny Fahafenoany. Voaloa ho aiza ny lèlanareo? Voaloa ho any Ninive izany, fa tsy ho any Tarsisy. Voafidy mialoha ianareo. Ny sambonareo... Misy sambo iray miainga izao ankehitriny izao, eo amin'ny lèlany. Noho izany zavatra iray ihany no hatao, dia ny miakatra eo amin'izany. Ary raha tahaka an'Andriamanitra ianareo, dia tsy hanana filaminana mihitsy...

¹²⁶ Tahaka ny zana-drahalahiko kely, vao tsy ela izay. Eo amin'ny folo taona eo ankehitriny, nandeha avy teo amin'ny andry nankeo amin'ny tsato-kazo iray. Mandeha any amin'io fiangonana io izy ny maraina, io fiangonana Katolika eto io, dia maka an'io anankiray io izy nohon'ny ray masina iray izay noresahany eto, sy iray hafa *eto*, ary iray *eto*. Inona no tontalin'izany rehetra izany? Hitanareo? Mbola noana sy mangetaheta izy ankehitriny. Hoy aho hoe, "Ny toeranao dia any amin'ilay alitara any, anaka." Hitanareo?

Tsy misy fomba ivoahana amin'izany. Rehefa mba manenjika anareo Andriamanitra, dia tokony hanolo-tena fotsiny koa ianareo ary manohy. Izay ihany.

¹²⁷ Tsarovy, Andriamanitra! Eny, tao anatin'ilay sambo Andriamanitra. Tao anatin'ilay tafio-drivotra Andriamanitra. Tao anatin'ilay trondro Andriamanitra. Izay rehetra nitodihany, dia tao Andriamanitra.

Hitanareo, ao Andriamanitra, ary hitohy hanaraka anareo fotsiny izany. Noho izany nahoana isika no hiandry ela? Ndaô isika hanomboka tsara fotsiny an'io fifohazana io. Marina! Inona no andrasanareo? Mino isika fa antomotra ny Fihavian'ny Tompo, ka hahazo Ampakarina iray Izzy, ary vonona Izany. Fa tsy mila sambo ho any Tarsisy isika. Handeha ho any Ninive isika. Hah! Handeha ho any amin'ny Voninahitra isika. Amena. Marina izany. Handeha any amin'izay hitahian'Andriamanitra isika, ary izany no tiantsika hatao.

¹²⁸ Mitoera eo amin'ny Fanatrehan'Andriamanitra, arak'izany, miaraka amin'ny fontsika; tsy ny tènantsika, loatra, fa ny fontsika eo anatrehan'Andriamanitra, mandra-pahatonga Azy hanamaina antsika, hatrany sy hatrany, tahaka an'izany, amin'ireo taratry ny Voninahiny; sy hahandro ao amintsika Ny—Ny fahatsarany, ary hanamasaka an'izay ananantsika, ho zava-

misy, hitanareo, eo amin'izay ahafahantsika maneho amin'ireo hafa fa velona Jesosy Kristy. Oh, oadray! Te-hino an'izany isika.

¹²⁹ Ary tsarovy, izay nandehanan'i Jona, dia tao anatin'ny sambo Andriamanitra; tao anatin'ilay tafio-drivotra Andriamanitra; tao anatin'ilay trondro Andriamanitra. Nanohy niaraka tamin'i Jona Izy mandra-pahatongan'ny Sitrapony tanteraka ho vita. Marina izany.

Ary raha toa ka manenjika anareo Izy, dia mety hidify *eto* ianareo, ary hidify *etsy*, fa hahantra ianareo mandrapiverinareo ka hanao an'ilay zavatra izay efa natombokareo hatao ho Azy tany amin'ny voalohany. Hitanareo? Aza mandeha, mandositra miala amin'ny Fanatrehan'Andriamanitra. Atreho izany. Raha mino ianareo fa izany no Fahamarinana, amin'izay fotoana izay avelao... Raha izany no Fahamarinana, dia izany no mendrika iainana, hahafatesana, ny zavatra hafa rehetra. Ary raha toa ka Izy no nanamarina an'izany taminareo, hoe izany no Fahamarinana, amin'izay fotoana izay tsy afaka mandositra miala amin'izany isika, na aiza na aiza. Ho eo mihitsy Izy, tsy miova mihitsy. Tsy afaka manao an'izany ianareo.

¹³⁰ Tamin'ny alàlan'ny Mpaminaniny voaomana, ilay anankiray izay Notendreny handeha any ary miantso an'io hafatra io. Ankehitriny, toy ny hoe afaka nandefa mpaminany hafa iray Izy, saingy nanendry an'i Jona Izy; ary na i Elia aza dia tsy ho nahavita; Jeremia tsy ho nahavita; Mosesy tsy ho nahavita. Jona no tsy maintsy nandeha nankany Ninive. Izay ihany ny tamin'io. Izy no naniraka azy sy niteny taminy mba handeha. Ary rehefa hoy Izy hoe, "Mandehana mankany, ry Jona, mandehana mankany Ninive," dia tsy misy olon-kafa afaka handeha hanao an'izany afa-tsy i Jona.

Ary rehefa miteny zavatra iray aminareo Andriamanitra, dia ianareo no tsy maintsy manao an'izany; tsy olon-kafa. Hitanareo, tsy maintsy miatrika an'izany mihitsy isika, ary, ary mandeha manao an'izany.

¹³¹ Mino isika fa miaina ao amin'ny ora izay anaovan'Andriamanitra zavatra iray. Mino isika fa miaina eo anivon'izy ireo ankehitriny. Mino aho izao hariva izao fa mitory teny amin'ilay fiangonana izay—izay mipetraka, miandry eo mba ho masaka fotsiny. Izaho—izaho dia tena mino marina an'izany, amin'ny foko rehetra. Hilaza aho fa mitovy tahaka ny naha-izy azy foana hatramin'izay no maha-izy azy ankehitriny.

¹³² Ankehitriny, mino isika fa tonga ny ora izay tsy maintsy hahatanteraka ny Masindahy Jaona 14:12. Isika, mino isika fa tsy maintsy tanteraka ny Malakia 4. Mino isika fa tsy maintsy tanteraka ny Lioka 17:30. Mino isika fa, ireo faminaniana rehetra izay Nolazainy dia hiseho ao amin'izao andro izao. Mino isika fa tsy maintsy tanteraka izy ireo, ary mino isika fa

mahita azy ireo tanteraka izao ankehitriny izao. Tena marina tokoa izany.

¹³³ Ajanony ny fandosirana. Aza mivoaka amin'Ny Fanatrehany; midira fotsiny ao amin'Ny Fanatrehany. Marina izany. Ary fantatro fa izany no irianareo hatao. Satria, nahita an'ireo nomeraon'ny fiara avy any Texas aho tao, sy Louisiana, ary hatraiza hatraiza. Izany no maha-eto antsika, dia ny tsy handositra hiala amin'Ny Fanatrehany, fa hihazakazaka hiditra ao amin'Ny Fanatrehany.

Miverena, midina avy ao amin'ilay...[Elanelana tsy voaraki-peo—Mpand.]...naha-Jona iray, raha efa mba nanontany tena ianareo hoe iza no lâlana handehanana na inona no hatao, dia avia, miakara ao amin'ny sambo miaraka aminay izao hariva izao. Handeha hankany Tarsisy isika, mba hiantsoantso mafy...na, Ninive, mba hiantsoantso mafy. Havelantsika io sambon'i Tarsisy io handeha any raha tian'izy ireo izany. Manana adidy iray isika eo anatrehan'Andriamanitra, izany dia, Hafatra iray izay maha-tompon'andraikitra antsika.

¹³⁴ Noho izany amin'ity herinandro ho avy ity, fampidirana kely iray fotsiny izao hariva izao, mba hamela anareo hahafantatra. Rehefa miantsoantso mafy aho, dia tompon'andraikitra ho an'ny Hafatra iray fotsiny ihany, ry rahalahy. Ianareo mpitoriteny mipetraka eto, tsy eto aho handratra ny fihetsehamponareo. Ary ianareo vehivavy sy lehilahy, eo amin'io resaka fanambadiana sy fisaraham-panambadiana ho avy io, dia tiako ianareo hahatsiaro izao hariva izao. Nilaza an'io rehetra io aho, mba hahazoanareo an'izao, hoe tompon'andraikitra fotsiny amin'Andriamanitra aho.

Ary avy eo, indray, dia tompon'andraikitra aho aminareo, mba hiteny aminareo ny Fahamarinana. Ary tsy hiteny aminareo afa-tsy ny Fahamarinana aho, raha mbola mamela ahy hahafantatra foana ny Fahamarinana Andriamanitra. Mandrapahafantattro ny Fahamarinana, dia tsy hilaza na inona na inona mikasika an'izany aho, hitanareo, tsy hilaza na inona na inona mikasika an'izany aho. Fa tena mino aho hoe Andriamanitra no maneho amiko ny Fahamarinana eo amin'ny *Fanambadiana Sy Fisaraham-panambadiana*, ary matoky aho fa hamela ahy hamoaka an'izany Izy.

¹³⁵ Fa ireo Hafatra hafa izay kasaiko hananana amin'ity herinandro ity, dia, *Iza Io Melkizedeka Io? Taiza No Nofidian'Andriamanitra Hametrahana Ny Anarany?* Ary vitsivitsy amin'ireo zavatra tahaka an'izany, dia ireo Hafatra ho avy, sy *Ireo Fahararium-Piterahana*. Ary—ary zavatra vitsivitsy, izay eo—eo amin'izany laharana izany, ka ho famenony ny *Lehilahy Iray Mifidy Ny Vadiny*. Ary zavatra vitsivitsy, ireo Hafatra ireo, no tiako ho entina amin'ity herinandro ity. Fa tiako fotsiny ny fiangonana...

¹³⁶ Fa, raha nisy mpitoriteny iray teto; tsy eto aho, ry rahalahiko... Tsy tiako ianareo, na ny sasany aminareo mambra, hiverina any amin'ny fiangonanareo, ka hanao hoe, "Rahalahy Branham no niteny an'izao sy izao."

Voafatotry ny adidy eo amin'ny Hafatra iray izay nomena ahys avy tamin'Andriamanitra Tsitoha aho. Satria mitsangana eto aho izao hariva izao, ary mahafantatra Andriamanitra fa marina izany, tany amin'io renirano io mihitsy... Misy olona, angamba, mipetraka eto, rehefa nidina teo io Anjelin'ny Tompo io ka niteny tamiko an'izay Nolazainy, teo mihitsy tamin'ny 1933, teo amin'io Spring Street eto io mihitsy. Raha vahiny iray eto ianareo, mandehana mahitsy. Eo amin'ny zoron'ny Spring Street izany, eo no ahitanareo an'ilay renirano, ary teo izany no nitranga. Izany dia efa tamin'ny 1933. Teo amin'ny roa amby telopolo taona lasa teo angamba izay, arak'izany. Oh, izany dia efa telopolo-...izany dia efa telopolo-...roa amby telopolo taona lasa, roa amby telopolo taona lasa.

Ary ahoana fa Izy no nitondra an'izany avy hatrany, ny zavatra rehetra. Dia nivoaka izahay, nitondra ny Hafatra, ka nahita ny marary sitrana, ny jamba, sy ny kilemaina, sy mandringa, sy malemy, sy ny zavatra rehetra. Ary avy eo nahita ny maty mihitsy aza, izay fantatsika fa efa namarinina, nitsangana tamin'ny maty. Maty ny olona, ary nitsangana avy hatrany niverina tamin'ny fiainana indray, ary ireo zavatra rehetra ireo. Raha mivoaka ny Hafatra iray, dia misy an'ireo famantarana sy fahagagana!

¹³⁷ Ary mbola hitanareo ve ilay sekolim-pisainana trainaing iray ihany izay nahatongavanareo? Tsy avy tamin'Andriamanitra izany. Andriamanitra dia tsy mila hanao fotsiny...

Miezaka mitarika ny fifantohanareo ho voasintona eo amin'ny Zavatra iray Andriamanitra.

¹³⁸ Ary tamin'izany fotoana izany rehefa nivoaka Jesosy, dia nanomboka nanasitrana ny marary Izy, ary nanao asa lehibe sy ny sisa. Izy, isan'andro, Izy... Nanao an'izany Jesosy. Ary nanao an'izany Mosesy sy Jesosy, sy ny sisa tamin'izy ireo. Ary rehefa teto Izy, dia Nataony izany.

Ary manao an'izany Izy, ilay zavatra iray ihany amin'izao andro izao. Rehefa maniraka favoriana iray tahaka an'izao Izy, ireo fifoazana, sy manomboka favoriana iray eto an-tany, dia manomboka mihetsika miaraka amin'ireo famantarana lehibe sy fahagagana ireo. Ary avy eo hitanareo, fa miverina, ilay sekolimpampianarana fahiny iray ihany, misy—misy zavatra tsy mety any ho any. Misy zavatra vaovao tonga! Rehefa tonga Jesosy, avy eo, rehefa...

¹³⁹ "Raby tsara iray Izy." Afaka nandeha tany amin'ny polipitra rehetra Izy ary nitory teny, rehefa nanasitrana ny marary Izy. Rehefa, oh, tian'izy ireo ny banana Azy tany.

Fa indray andro rehefa nipetraka Izy, ka nanao hoe, “Izaho sy Ny Raiko dia Iray,” rahalahy, tsy tena nalaza Izy taorian’izany. Rehefa hoy Izy hoe, “Raha tsy mihinana ny Nofoko ianareo, sy misotro Ny Ràko, dia tsy manana Fiainana ao anatinareo. Fa izay mihinana ny Nofoko, sy misotro Ny Ràko, no manana Fiainana mandrakizay; ary Izaho hanangana azy amin’ny andro farany.” Noho izany, tsy tena nalaza Izy nanomboka teo.

¹⁴⁰ Hoy izy ireo hoe, “Vampira iray io Lehilahy io. Belzeboba iray io Lehilahy io. Izany no Nahavitany an’ireo zavatra ireo. Afaka manao hatsarana Izy. Izy dia njery eo amin’ny—ny sain’izy ireo ka nahafantatra ny eritreritr’izy ireo. Mpanao hatsarana iray Izy.”

Fa, ilay izy dia, Izy—Izy no Tenin’Andriamanitra tonga voaseho ho an’io ora io. Ary voafatotry ny adidy Izy. Hoy Izy hoe, “Manao foana an’izay mahafaly Ny Raiko Aho.” Hanampy antsika anie Andriamanitra hanao an’ilay zavatra iray ihany, hanao an’izay mahafaly ny Ray.

¹⁴¹ Ary antenaiko fa hahazo ianareo rehetra. Raha tsy mifanaraka amiko ianareo eo amin’ireo Hafatra sy ny sisa ireo, dia hahatsiaro ianareo, fara-fahakeliny hanana an’izao fanajana izao, hoe manana andraikitra iray aho, ary tsy handeha hankany Tarsisy. Eo amin’ny lâlana mankany Ninive aho, ary izaho—izaho dia tsy maintsy miantsoantso mafy. Ny Tompo hitahy anareo rehetra.

Ndao isika hanondrika ny lohantsika vetivety fotsiny ankehitriny.

¹⁴² Efa saiky amin’ny sivy sy sasany izao. Tsy te-hitazona anareo aho, fa tiako ny hahita an’izao raha vitako, izao hariva izao. Misy sasany ve eto izay—izay tsy eo amin’izay tokony hisy anareo marina tokoa ao amin’i Kristy, nefo ianareo—ianareo dia te-ho ao, ary maniry ny ho ao, dia hanangana ny tânanareo fotsiny ve ianareo, hanao hoe, “Rahalahy Branham, mivavaha ho ahy”? Andriamanitra hitahy anareo, jereo ireo tânana. “Izaho—izaho dia maniry... Eto aho, Rahalahy Branham, mba hanatona akaiky kokoa an’Andriamanitra.”

Ary raha nitraka ny lohanareo, ny—ny tânako dia mitsangana, ihany koa. Izany no maha-eto ahy. Noana aho, tahaka anareo.

¹⁴³ Fa, oh, indray andro, nitranga ny iray tamin’ireo zavatra lehibe indrindra, ary izaho—izaho dia mahafantatra an’izay hatao ankehitriny. Ary izaho—izaho dia mivavaka mba hanomezan’Andriamanitra anareo an’ilay fahazoana mazava. Eo izany. Ny... Raha misy fanontaniana iray ao an-tsainareo, dia tsy maintsy misy valiny iray any ho any, mba hamaly an’izany fanontaniana izany. Ny fivavako, dia, enga anie Andriamanitra hamela anareo hahita an’izany fanontaniana izany voavalys mandritr’io fotoana io.

¹⁴⁴ Raha marary ianareo, dia enga anie Andriamanitra hanasitrana anareo. Hanana asam-panasitranana isika, neveriko, saiky isan-kariva, sady hivavaka ho an'ny marary. Hanao ny zavatra rehetra izay vitanay izahay mba hanampiana anareo, ary ianareo hanao ny zavatra rehetra izay vitanareo mba hanampiana anay. Ary hiara-hiasa isika, matoky fa hanome antsika fivoriana iray lehibe Andriamanitra.

¹⁴⁵ Ankehitriny, Andriamanitra Ray, ireo teny vitsy kely tapatapaka, fa eo an-Tànanao izy ireo ankehitriny. Tompo, efa voalaza izy ireo. Tsy maintsy hihaona amin'izany aho. Toy ny hoe fotsiny... Tsy mety maty mihitsy ireo teny ireo; handeha manodidina sy manodidina ny tany izy ireo, eo amin'ny fandraisam-peo iray, ary tsy maintsy hiatrika an'izany avy hatrany indray aho indray andro any. Fantatroy, Tompo, ary milaza an'izany amin'ny halalin'ny fahatsoram-po aho.

¹⁴⁶ Mivavaka aho, Andriamanitra malala, izao hariva izao, ho an'ny tsirairay avy amin'ireto, ireo Zanakao. Ary, O Andriamanitra, matoky aho, alohan'ny hifaranan'ny herinandro, fa izy ireo dia—izy ireo dia hahazo; fa ilay fanontaniana, izay tena lehibe ao amin'ny sain'izy ireo izao hariva izao, dia ho voalamina. Ekeo izany, Tompo.

¹⁴⁷ Misy sasany eto izay tsy mahafantatra Anao, Ray, ho Mpamonjy, tsy mbola, na angamba tsy mbola feno ny Fanahy Masina mihitsy. Enga anie ho izao hariva izao izany.

¹⁴⁸ Tompo, tsy afaka mameno ny Fanahy Masina amin'iza na iza aho; tsy afaka mamonjy olona iray koa aho. Afaka miteny fotsiny ihany amin'izy ireo an'izay Nolazainao aho hoe, "Sambatra ireo izay noana sy mangetaheta ny fahamarinana, fa izy ireo no ho fenoina." Ary mivavaka aho, Andriamanitra, mba Hamoronanao an'izany hanoanana izany ao amin'ny fon'izy ireo.

Maro, Tompo, tsy maintsy noana izy ireo; ahoana no nandehanan'izy ireo teo amin'ireo maily an-jatony, nandalo ranomandry sy ny zavatra rehetra, ary teo amin'ireo tendrombohitra manorana, ary nanerana an'ireo tany efitra, mba ho tonga eo amin'ny toerana antitra kely iray mipetraka eto amin'ny zorony eto! Noho izany mieritreritra indray aho, hoy Ianao hoe, "Any amin'izay misy ny Faty, no hiangonan'ny voromahery." Fahano izahay, Tompo, amin'Ny Mananao avy any An-danitra. Omeo ny fanahinay izay tena ilainay marina. Mangetaheta Anao izahay, Ray. Eo an-Tànanao izahay ankehitriny.

¹⁴⁹ Aoka ilay Fanahy Masina lehibe izay nidina teo amin'ny tendrombohitra tany ambony tany indray andro, mivavaka aho mba Hamenoany ny fo rehetra ato amin'ny Fahatsarany sy ny famindrampony, amin'ny fahazoana. Fantatray, Ray, fa izany no ilainay, dia ny mahazo. Fa raha tsy fantatray izay ataonay, amin'izay fotoana izay ahoana no hahafantarany izay

hanaovana azy? Fa tsy maintsy manana fahazoana izahay. Araka ny nolazain'i Daniela, fa izy dia nanana "fahazoana tamin'ny alàlan'ny Soratry ny mpaminany Jeremia." Ary, Ray, manana ny fahazoana amin'ny alàlan'ny Soratry ny Fanahy Masina izahay, arak'izay Hanambarany an'Izany aminay ao amin'ity ora ity. Omeo anay, Tompo, ireo faniriana mba anananay Anao. Am-pahamoram-panahy no angatahanay an'izany, Ray, ho an'ny Voninahitrap, amin'ny Anaran'i Jesosy Kristy.

¹⁵⁰ Ankehitriny miaraka amin'ny lohantsika miondrika. Raha mitendry ny anabavintsika hoe, "Hanome ahy fahasoavana sy voninahitra Izy, ka hiaraka amiko hatramin'ny farany." Tiako ianareo hivavaka am-pahanginana fotsiny ankehitriny ary hangataka amin'ilay Ray An-danitra mba Hanekeny ho anareo, izao hariva izao, izay ilainareo.

¹⁵¹ Rahalahy malala, ranabay malala, tena akaiky mihitsy tahaka ny sandrinareo aminareo Izy. Ianareo, efa nino ahy ianareo tao amin'ny—tao amin'ireo zavatra hafa, dia minoa ahy ao amin'ity. Eto Izy mba hanome anareo an'izay rehetra ilainareo.

¹⁵² Oh, nandritr'ireo herinandro vitsivitsy lasa aho dia tena noana, tena nangetaheta, tena manina, hahita anareo. Izany no antony nilazako hoe, "Billy, ndao isika hody."

Hoy i Meda hoe, "Inona no itiavanao hiverina any indray, ao any amin'io tanàna mangatsiaka io, ry Bill? Tratry ny aretintenda sy ny zavatra rehetra foana ianao. Mivoaka foana ianao, dia voan'ny sery, ary farim-peo, ka zara ianao raha maharesaka."

¹⁵³ Hoy aho hoe, "Eny, tsy fantatro." Nilaza taminy aho... Mahita ny sakaizako aho, Charlie Cox, mipetraka iry aoriana iry. Hoy aho hoe, "Tsy andriko ny handrenesako an'i Charlie hanao hoe, 'Nihanika an'io hazo ery io ilay vontsira kely.' Lasa tena noana ny handre an'izany mihitsy aho." Izaho—izaho fotsiny dia te-ho—te-hiaraka aminareo.

¹⁵⁴ Fantattro fa tena narary ny Rahalahiko Banks. Ka nahita fahitana iray ny aminy aho, teo vao tsy ela akory izay, ary nandry tamin'ny lamosiny izy. Dia fantattro fa efa tena saiky nandao antsika izy, vao haingana. Rehefa mijery an'ireo hafa aminareo aho...

¹⁵⁵ Niditra aho indray hariva, tao amin'ny fivorian'ny Christian Business Men, sy maneran-tany. I "Pop" Shakarian antitra, ny rain'i Demos, nipetraka teo izy taloha ary nanohy njery fotsiny mandra-piditro, nitsiky izy avy eo, ary ilay kopaka kely izay nikopahany ahy. Tsy eo izy. Lasa izy.

Avy eo tsy maintsy nandeha tany amin'ilay fianakaviana aho, niaraka tamin'ny HOY NY TOMPO HOE, ny zanakavavin'izy ireo dia ho faty, ihany koa. Florence, nahita azy tao amin'ny fahitana iray aho, nahita azy lasa. Ary

fantattro fa ho lasa izy. Dia hoy aho hoe, "Mivavaha, mivavaha fotsiny. Fantatrareo fa nisy... Nilazana ny mpaminany iray indray mandeha mba handeha hiteny amin'ny mpanjaka iray handamina ny ankohonany. Dia nivavaka izy, ary nitahiry ny ainy Izy, dimy ambin'ny folo taona amboniny." Hoy aho hoe, "Mivavaha."

¹⁵⁶ Fa, jereonareo, ary izaho—izaho dia niverina... Nipetraka teto tao amin'ny trano fisakafoana iray aho, indray andro, nihinana. Nanatona ahy ny lehilahy anankiray, nanao hoe, "Tsy ianao ve no Billy Branham?"

Hoy aho hoe "Eny."

¹⁵⁷ Tsy nahafantatra ahy angamba izy, noho *ity* teo ambonin'ity faritra sola eo amin'ny lohako *ity*. Nanao an'ity singam-bolo kely *ity* aho, mba hiala tsy ho azon'ny aretin-tenda mandritr'io favoriana io.

Nanatona ahy izy, hoy izy hoe, "Nihevitra aho fa nahafantatra anao, ry Billy."

Hoy aho hoe, "Eny." Hoy aho hoe, "Iza ianao?"

Hoy izy, "Izaho no John Warman."

Hoy aho hoe, "Manao ahoana i Zip?"

Hoy izy hoe, "Billy, maty izy." Ah!

¹⁵⁸ Nandalo tany amin'ny trano fitsarana aho; nandeha tany mba handoa ny hetrako. Nandalo tany amin'ny trano fitsarana aho, ary ramatoa iray no nihorakoraka tamiko, ka hoy izy hoe, "Tsy fantatralo ve fa lasa i John?" Na, anarana iray. Mety tsy i John ilay izy; Ed, na tahaka an'izany. Dia hoy aho hoe... Tsy fantattro ilay vehivavy. Nahatsapa ho saikatra aho. Ary hitany, fa tsy fantattro hoe iza izy.

Hoy izy hoe, "Tsaroanao ve ny alina maizina iray rehefa niakatra teo ambonin'ny morona ilay renirano tany, ka lasa ireo trano, teo amin'ny lâlana Chestnut, dia nanao vy very ny ainao ianao niditra tao amin'ny toerana iray ary namoaka vehivavy iray sy ankizy kely vitsivitsy?"

Hoy aho hoe, "Ianao ve ilay izy?"

¹⁵⁹ Hoy izy hoe, "Izaho—izaho ilay ramatoa." Nanomboka niantsoantso ny zanany izy; fantatrareo ny tantarako. Hoy izy hoe, "Io anankiray izay nantsoiko hoe 'ny zanako,' io dia nanambady ary manana fianakaviana iray." Hitanareo? Ary indro izy, antitra sy fotsy volo; ary indro izaho, ihany koa.

¹⁶⁰ Tsirairay, no anesorana ny karatsika ao amin'ilay talantalana, tahaka an'izany. Ary manana favoriana isika, ka tsy hitako *ity* anankiray *ity*, tsy hitako *itsy* anankiray *itsy*. Tsy maintsy tonga eo amin'ny fahalasanana isika rehetra, indray andro any.

Fa, rahalahy, ranabavy, misy ny Toerana iray iangonana. Ndao hahazo antoka ankehitriny fa mahitsy isika. Sitrakareo ve? Aza mamela ny fahazoantsika rehetra an'Andriamanitra, sy ny sisa, ho lasa foana. Ndao isika hino.

¹⁶¹ Ray, eo an-Tànnanao izy ireo. Eo an-Tànnanao aho, Tompo. Eto izahay ao amin'ny fanoloran-tena fotsiny ihany ankehitriny, mialohan'ilay fivoriana ho avy hanomboka rahampitso hariva. Hanampy anay ve Ianao, Tompo? Enga anie ny—enga anie ny resakay ho Amino tsy an-kitsahatra! Enga anie ny fonay sy ny sainay hifantoka Amino, ary Ianao no nilaza fa hitahiry anay ao amin'ny fiadanana tanteraka Ianao. Voasoratra ao amin'ny Baiboly ihany koa hoe, "Aza miankina amin'ny fahazoanareo manokana." O Andriamanitra, tsy mila ny fahazoanay izahay; mila ny Fahazoanao izahay. Omeo anay izy ireo, O Andriamanitra. Ary enga anie ho tonga ao anatin'ny fanahinay ny fifohazana hany ka ho fo iray sy saina iray fotsiny ity vondron'olona ity. Ekeo izany, Ray. Ekeo ireo zavatra ireo, raha mivavaka amin'ny Anaran'i Jesosy Kristy izahay.

Mandra-pahitan'ny fanahiko ampakarina
Fitsaharana any ankoatr'ilay renirano.

Ao amin'ilay lakroa, ao amin'ilay lakroa,
No von-... (ndao isika hanangana ny
tànantsika)... hatrany;
Mandra-pahitan'ny fanahiko ampakarina
Fitsaharana any ankoatr'ilay renirano.

Jesosy, hazony eo amin'ilay lakroa aho,
Eo no misy loharano iray sarobidy,
Afaka amin'ny... (eny, Tompo, afaka)... onim-
panasitrana,
Mikoriana avy amin'ny loharanon'i Kalvary.

Ao amin'ilay lakroa, ao amin'ilay lakroa,
No voninahitro hatrany;
Mandra-pahitan'ny fanahiko ampakarina
Fitsaharana any ankoatr'ilay renirano.

¹⁶² [Manomboka misamonomonona ny *Akaikin'Ilay Lakroa* Rahalahy Branham—Mpand.] O Andriamanitra! Raha misy aminareo mahatsapa fa te-ho avy ianareo ka handohalika manodidina ny alitara, raha te-ho tonga fotsiny ianareo, hanao hoe, "Tsy eo amin'izay tokony hisy ahy aho, Tompo. Izaho—izaho dia te-hanao fanokanan-tena iray indray. Te-hanao an'izany aho izao hariva izao, Tompo." Asaina ianareo ho tonga. Ho eto izahay hivavaka miaraka aminareo. [Manohy misamonomonona ny *Akaikin'Ilay Lakroa* Rahalahy Branham.]

Ao amin'ilay lakroa, ao amin'ilay lakroa,
Oh, no voninahitro hatrany;
Mandra-pahitan'ny fanahiko ampakarina
Fitsaharana any ankoatr'ilay renirano.

Jesosy, hazony eo akaikin'ilay lakroa aho,
 Eo no misy loharano iray sarobidy,
 Afaka amin'ny rehetra, onim-pahasitranana iray,
 Mikoriana avy amin'ny loharanon'i Kalvary.

Ao amin'ilay lakroa, ao amin'ilay lakroa,
 No voninahitro hatrany;
 Mandra-pahitan'ny fanahiko ampakarina
 Fitsaharana any ankoatr'ilay renirano.

¹⁶³ Ndao isika hivavaka fotsiny, ny tsirairay avy aminareo amin'ny fombanareo manokana ankehitriny. Izao fotsiny—adinoy fotsiny ny fotoana. Ndao isika hanondrika fotsiny ny lohantsika eo amin'Ny Fanatrehany. Ity ramatoa kely eto ity, miantsantso mafy hoe, "Tiako Ianao, Jesosy!" Tsaroanaao ve rehefa voavonjy ianao, taona maro lasa izay, tsaroanaao ve hoe mamy toy ny ahoana izany taminao? Mbola tena mamy mihitsy Izzy izao hariva izao. Ndao isika hivavaka, ny olona rehetra amin'ny fombanareo manokana ankehitriny. Ndao fotsiny isika—ndao fotsiny isika rehetra hanokana ny tenantsika ho an'Andriamanitra, manolotra fotsiny ny tenantsika ho an'ny Tompo.

¹⁶⁴ Tompo Jesosy malala...[Elanelana tsy voarakipeo—Mpand.]

Ilay Onin'ny fiononako rehetra,
 Mihoatra nohon'ny fiainana ho ahy,
 Iza no ho ahy eto an-tany ankoatra Anao?
 Na iza any An-danitra afa-tsy Ianao?

Andriamanitra malala, mivavaka izahay mba handefasana ny Famindramponao sy ny fahasoavanao ho eo amin'ny isanisany sy ny tsirairay avy aminay, Tompo. Manodidina ny alitara eto izahay. Maro no tsy afaka tonga; Ianao no hihaona amin'izy ireo eny amin'ny sezany. Na inona na inona atolotray, Tompo, dia hanaiky handray Ianao. Raha manolotra ny fotoanay fotsiny ho Anao izahay, dia handray an'izany Ianao; ny talenta, handray an'izany Ianao. Fa, Tompo Andriamanitra, mandeha any ankoatran'izany izahay izao hariva izao, manolotra ny maha-anay rehetra. Izay maha-izaho ahy, izay rehetra hany antenaiko haha-izaho ahy, ny rehetra dia ao Aminao, Tompo. Mivavaka izahay mba Handraisanaao an'izao, ny vavakay, ao am-Ponao, Tompo, ary omeo anay ny halalina lehibe an'ny Fanahy Masina, mba hiovan'ny fiainanay. Fa, hitanay hoe manakaiky ny farany izahay ankehitriny. Tsy mety ho ela loatra intsony izany. Ary raha mahita an'ireo malalanay lasa izahay, isan'andro, tanora sy antitra, dia fantatray fa handondôna eo amin'ny varavarayan tsy ho ela izany. Ary izao hariva izao, Tompo, raha mbola ao amin'ny sainay tsara izahay, mipetraka eto, na mandohalika eto,

mitsangana eto, na inona toerana misy anay, dia raiso izahay, Tompo Andriamanitra.

¹⁶⁵ Raiso aho, Tompo. Tsinontsinona aho, fa na inona aho na inona, Tompo, raha afaka maka an'izay ilaina avy amiko Ianao, dia atolotro Anao ny tenako.

¹⁶⁶ Mivavaka aho, Andriamanitra malala, ho an'ny tsirairay avy amin'ireto. Ireto olona malala izay nitsanganako tany amin'ireo tendrombohitra tany Arizona ireto ka nitomaniako, ary indro izy ireo mandohalika manodidina ny alitara miaraka aminay izao hariva izao, mivavaka, manokana ny fiainanay. Tianay Ianao, Ray, mihoatra nohon'ny ainay. Tianay Ianao mihoatra nohon'ny fianakavianay. Tianay Ianao mihoatra nohon'ny vady, zanaka, ray, reny, anabavy, rahalahy, vady lahy, vady vavy. Tianay Ianao, Tompo Jesosy. Ataovy ho tena misy ao am-ponay izany, Tompo, Arotsahy ny diloilom-pifaliana, amin'ity herinandro ity, Tompo, ao amin'ny fanahinay. Omeo fandroana iray izahay, fanadiovana iray an'ny Teny, amin'ny alàlan'ny ranon'ny Teny, mizarazara Fahamarinana aminay.

¹⁶⁷ Maro eto izao hariva izao, Tompo, ary hisy eto, izay very hevitra eo amin'ireto lohahevitra izay iankinan'ny aina ireto. O Andriamanitra, sokafy ilay loharano ao antranon'Andriamanitra, izany—izany dia mba hanadiovana anay. Mivavaka aho, Andriamanitra, mba Hanasanao sy hanadiovanao anay ao amin'Ny Rànao, ary hanao anay ho olombao. Ary omeo fahasoavana sy tanjaka izahay, hitondra ny Tenin'ny Fahamarinana ao amin'ny Fanambarany Masina ny amin'ny Tenan'i Jesosy Kristy.

Enga anie Izy hiseho eo anatrehanay, Tompo. Enga anie Izy ho tonga ka hanasitrana ny aretinay, hamela ny fahotanay, fenoy ny fonay noana amin'ireo vaovao tsaran'ny fifaliana lehibe, ny Filazantsara tonga voaseho eo amin'ny fiainanay.

Tahio ny pasitera rehetra, ny mpitarika hira rehetra, ny mpampianatra sekoly Alahady rehetra. Tahio izahay rehetra, miaraka, Tompo, fa tianay marina tokoa Ianao. Ary Anao izahay ankehitriny, Tompo, ao amin'izao fanoloran-tena izao. Amin'ny Anaran'i Jesosy Kristy, ampiasao izahay ankehitriny araka ny Sitraponao Manokana.

Ny finoako miandranda Anao,
Ianao ry Zanak'ondrin'i Kalvary,
O Mpamony Masina;
Ankehitriny henoy aho raha mivavaka,
Esory ny otako rehetra,
O avelao aho manomboka amin'ity andro ity
Ho Anao Manontolo!

Tianareo ve izany? Ndao isika hihira indray.

Raha mamindra ao amin'ny lala-maizin'ny
fiainako aho,
Ka miangona manodidina ahy ireo fahoriane,
Oh, aoka Ianao no ho Mpitari-dàlako;
Didio ny aizina hivadika ho andro,
Fafao ireo ranomason'alahelo,
Ka aza mamela ahy mihitsy ho very
Lavitra Anao.

Tsy manao anareo hahatsapa ho tsara ve izany? [Hoy ny fiangonana hoe, "Amena."—Mpand.] Firy no tia mihira an'ireo hira fahiny? ["Amena."] Tiako fotsiny izy ireny. Tsy tianareo ve?

Oh, mandeha isika ho any Ziona,
Tsara tarehy, Ziona tsara tarehy;
Mandeha miakatra any Ziona isika,
Ilay Tanàna tsara tarehin'Andriamanitra.

Oh, mandeha isika ho any Ziona,
Oh, tsara tarehy, Ziona tsara tarehy;
Mandeha miakatra any Ziona isika,
Ilay Tanàna tsara tarehin'Andriamanitra.

Avia, isika izay tia ny Tompo,
Ka ho fantatra ny fifalantsika,
Manakambana ny hira ao amin'ny fifanarahana
mamy,
Manakambana ny hira ao amin'ny fifanarahana
mamy,
Ary mihodidina ny Seza fiandrianana tahaka
an'izany,
Ary mihodidina tahaka an'izany...

Ankehitriny, ndao isika hitsangana ankehitriny raha mihira an'izany. Mifandraisa tànana amin'ny hafa.

Mandeha ho any Ziona,

Ho tahiana ianao, ranabavy! Ho tahiana ianao, ranabavy!
Ho tahiana ianao, rahalahy! Ho tahiana ianao, ranabavy!
[Manohy miarahaba ny olona Rahalahy Branham—Mpand.]

Ilay Tanàna tsara tarehin'Andriamanitra.

Ndao isika hanangana ny tànantsika amin'Andriamanitra ankehitriny.

Oh, mandeha isika ho any Ziona,
Tsara tarehy, Ziona tsara tarehy;
Mandeha miakatra any Ziona isika,
Ilay Tanàna tsara tarehin'Andriamanitra.

Oh, mandeha isika ho any Ziona,
Oh, tsara tarehy, Ziona tsara tarehy;
Mandeha miakatra any Ziona isika,
Ilay Tanàna tsara tarehin'Andriamanitra.

Tsy manao anareo hahatsapa ho mahafinaritra ve izany? [Mifaly ny fiangonana—Mpand.] Oadray, oadray! Oh, ndao fotsiny isika hanangana ny tànantsika ka hidera Azy mihitsy amin'ny fombantsika manokana.

¹⁶⁸ Tompo Jesosy, Ianao ilay RAOZIN'i Sarona, LISIN'ny Lohasaha, ilay KINTAN'ny Maraina sy Mamiratra, ilay Tsara indrindra amin'ny iray alina ho an'ny fanahiko. Ianao ilay ONIN'ny fiononako rehetra, mihoatra nohon'ny fainana ho ahy! Toy ny ahoana no itiavanay Anao! Henoy izahay, O Tompo. Toy ny ahoana no isaoranay Anao! Oh! [Elanelana tsy voaraki-peo—Mpand.] Toy ny ahoana no hideranay Anao! Tahio ireto, Tomponay sy Mpamorjinay sarobidy! Ekeo ireo zavatra ireo, Tompo. Ekeo izany. [Manohy mivavaka sy midera an'Andriamanitra Rahalahy Branham sy ny fiangonana.]

Akaikin'ilay lakroa,
No voninahitro hatrany;
Mandra-pahitan'ny fanahiko ampakarina
Fitsaharana any ankoatr'ilay renirano.

¹⁶⁹ Na manao ahoana na manao ahoana, hafa, mahatsapa fotsiny aho fa isika dia handeha... Misy zavatra iray mipetraka ho antsika mihitsy eo aloha. Ankehitriny, tsarovy fotsiny, mino aho fa maminany aho. Fifaliana lehibe no mipetraka eo aloha. Minoa an'izany. Marina izany. Fo malahelo maro no ho lasa... Zava-miafina lehibe no lasa mazava, ary hiova ho amin'ny fifaliana ireo olona izay malahelo. [Mifaly ny fiangonana—Mpand.]

Akaikin'ilay lakroa, ao amin'ilay lakroa,
No voninahitro hatrany;
Mandra-pahitan'ny fanahiko ampakarina
Fitsaharana any ankoatr'ilay renirano.

¹⁷⁰ Tahaka an'i Jaona fahiny, rehefa lasa antitra loatra izy mba hitory teny, dia nipetraka fotsiny ary nihiakiaka, izy ireo no niteny tamiko, niaraka tamin'ny heriny rehetra hoe, "Rankizy madinika, mifankatiava!" Mifankatiava. Aza mamela na inona na inona ho tonga eo anivonareo, hitanareo. Esory ny rehetra, ny zavatra rehetra hanalavitra... Hia, tsy mampaninona na inona na inona izany, atreho izany. Eo amin'ny lalana mankany Ninive isika. Hitanareo? Aza miakatra ao amin'io sambon'i Tarsisy io, izay manala anareo any ivelan'ny fihavanana. Ndao isika hanatona avy hatrany an'ilay onin'ireo fitahian'Andriamanitra. Mino aho fa hahazo an'izany isika. Mino ny Raitsika aho.

¹⁷¹ Mahatsapa ho tsara kokoa ve ankehitriny, ranabavy? Tsara izany. Tahaka an'izany no tiako ahitana an'ireo zanaka teraka, izay miaritra. [Manohy mivavaka sy mifaly ilay anabavy—Mpand.]

Afaka mieritreritra an'ireo taona lasa aho, teto amin'ireto tany ireto mihitsy, firy arivo no nateraka tao amin'ny

Fanjakan'Andriamanitra, teto amin'ity tany ity mihitsy. Kely toy ny ahoana no fantatsika, rehefa nanomboka teto isika niaraka tamin'ny valopolo cents tao anatin'ny paosintsika, mba hanorenana ny fiangonana! Oh, hoy Izzy hoe, "Izaho Tompo no namboly azy; Izaho no hanondraka azy andro aman'alina." Ary Nataony izany. Nataony izany.

Andriamanitra hitahy anareo. Ankehitriny raha manondrika ny lohantsika isika . . .

¹⁷² Ankehitriny, rahampitso hariva, tsarovy, hatao any amin'ilay toera-malalaky ny sekoly eto ireo fotoana. Ary raha . . . Haka olona hiandry eto izahay ankehitriny, mba hampiseho amin'ny olona hoe ahoana no ahatongavana any, satria ho avy ireo vaovao.

¹⁷³ Raha tianareo Izzy, dia manaova, "Amena." [Hoy ny fiangonana hoe, "Amena."—Mpand.] Oh, tsy mahafinaritra ve Izzy? ["Amena."]

¹⁷⁴ Nitsangana teo amin'ilay morona aho teo, ary nihira an'ilay hira fahiny:

Eo amoron'i Jordana misy tafio-drivotra aho no mitsangana,

Eritrereto, efa telopolo taona lasa izay, telo amby telopolo, telo amby telopolo taona lasa izay.

Ary nanopry maso feno faniriana iray,
Nankany amin'ny hatsaran'i Kanana sy tany sambatra,
Izay itoeran'ireo fananako.

Ary maro amin'izay nataoko batisa, tamin'io hariva io, no any ankehitriny. Fa, nitsangana tany izy ireo ary vavolombelon'ilay Kintan'ny Maraina nidina avy tany andanitra, nihodinkodina nanodidina tahaka an'izao, nanao hoe, "Tahaka ny nanirahana an'i Jaona Mpanao-batisa hitondra, hialoha lèlana ny fihavian'i Kristy voalohany, dia ny Hafatrao no hialoha lèlana ny Fihaviana faharoa." Ahoana no hieritreretana an'izany? Fa, ny Tenin'Andriamanitra rehetra dia marina, ny Tenin'Andriamanitra rehetra. Miaina eo amin'ny Fanatrehan'ilay Mpanjaka lehibe isika. Andriamanitra hitahy anareo.

¹⁷⁵ Raha mbola manondrika ny lohantsika isika, dia hangataka an-dRahalahy Neville aho, ny pasiterantsika sarobidy, ho avy eto ary hampirava antsika amin'ny vavaka. Andriamanitra hitahy anao, Rahalahy Neville.



*LEHILAHY IRAY NANDOSITRA NIALA TEO
AMIN'NY FANATREHAN'NY TOMPO MAG65-0217*
(A Man Running From The Presence Of The Lord)

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Alarobia hariva, 17 Febroary 1965, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2016 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org